

30

HARVARD COLLEGE LIBRARY
FROM THE
HARVARD-YENCHING
INSTITUTE

~~OCT 6 1928~~
~~Ch L 9297.74~~

~~Ch L 9301.74~~

Ch L^R 9297/1184

冊府元龜



淮南李嗣京參閱
西極文翔鳳訂正
豫章黃國琦較釋

帝王部 一百三十一

延賞第二

唐玄宗開元元年十二月詔國初以來宰相及食實
封功臣子孫一房沈翳未承恩者量才擢用

二年正月制曰崔玄暉張柬之等往以神龍之初保
又王室奸臣所忌謫居炎海流落變衰感激忠義

帝嗣子吏部郎中瓌清才雅韻謹守專直東之嫡孫
必祖考繼歿遺孤可傷彼勲業之下淪佇名賢之必
復是得景倩而悲仲宣者也高皇封樂毅之後武帝
求蕭何之裔斯不遠哉昭於德音緬懷前烈宜加後
命瓌必並可朝散大夫

四月以太嘗寺大祝蘇又為左補闕追父勲也勲曰
蘇又其父往處台衡實為柱石直言正色挫彼凶邪
頃者念功錫以真賦兄頹又遵先誠回辭令賞泣血
披誠不忍移奪自家刑國父忠子孝宜有褒崇寵及
兄弟諫官之任乞屬象賢可右補弱

十月王海賓為安豐軍使先鋒與吐蕃戰歿嗣初名
訓年始九歲以父死於王事起復拜朝散大夫尚輦
奉御賜名忠嗣養於禁中累年與皇太子在忠士郎
令與之游處

六年侍中宋璟亡父玄撫褒贈邢州刺史玄撫初贈
岐州長史及璟登宰輔之任脩耐廟之禮帝乃特以
伯牧光寵焉并贈其母崔氏為安平郡夫人

八年隴右諸軍節度大使郭知運為幽州都監王駿
討平六州胡康待賓等拜左武衛大將軍授一子官
九年十二月勅中書門下六尚書御史大夫諸衛大

將軍及食實封功臣并二品已上官咸以勲業受國
寵榮德之所效澤之所延其亡父無五品已上官者
並宜褒贈

十三年十一月封禪禮畢制曰朕永惟王業緊賴舊
勲元首股肱其猶一體自武德以來功臣宰輔或名
存王府遺嗣沉淪或身無大故銜屈泉壤宜令所司
訪擇申理唐興立功官又往屬艱難能盡忠義今成
大禮何日忘之宜各與一子出身

十七年十一月追贈中書令蕭嵩亡父故渝州長史
濯爲吏部尚書門下平章事裴光庭父故禮部尚書
行儉爲太尉

二十四年正月勅諸道採訪使信安郡王禕副督主
道堅牛仙客宋詢劉日正班景倩唐昭各賜一子官
賞其巡察之勞也是年中書舍人孫逖自以通籍禁
闈其父官纔邑宰乃上表陳情曰臣父嘉之幸遇明
時早勤學業出身入仕四十餘年歷官五政經考二
十未能亨通纔及令長臣夙荷嚴訓累登清秩類遷
省闈又拜掖垣地近班榮臣則過量途遙日暮父乃
后時在公府有偷榮之責於私庭無報德之效反慙
烏鳥徒厠鴛鴻伏望降臣一外官特乞微恩稍霑臣

父玄宗優詔獎之授嘉之宋州司馬致仕

二十九年二月上謂宰臣曰洪州人鄔玄宗往在文
明年中傳玄元皇帝真誥於天后曰我國祚無窮當
千萬君遂遭禁錮因茲淪喪宜與追贈以慰泉壤其
子瓊亦依資授一官

天寶四載十二月隴右節度使皇甫惟明與一子五
品官賞功也

七載八月詔尚書左僕射兼右相吏部尚書李林甫
曾祖故長平郡王靈州道行軍大總管叔良贈太子
少保祖華陽郡開國公寧州刺史孝斌贈兵部尚書

十載正月河西節度使鴻臚卿員外置同正員
史中丞權知朔方節度事安思順罷朔方節度加特
進攝御史大夫仍與一子官河西節度等使餘如故
賞功也

安西四鎮節度特進兼鴻臚卿員外置同正員攝御
史中丞高仙芝生擒突騎施可汗吐蕃大首領及石
國王并可敦及傑師來獻上御勤政樓會羣臣引見
加仙芝開府儀同三司攝御史大夫仍與一子五品
官餘竝如故賞功也

十一載十一月以殿中少監安慶宗爲太僕卿慶宗

祿山之子以父任寵之是年哥舒翰為隴右節度使
收石堡城獻功于朝詔與一子五品官

十三載又賜一子五品官

十二載又與一子五品官

十二年三月制曰褒德紀功前王之令典飾忠追遠
有國之能事况乎嗣生大賢為朕良弼應五百之數
該二八之美調元而星辰以理論道而陰陽以和而
寵命未弘稱謂猶褊非所以崇推恩之重廣延賞之
義也右相兼文部尚書判度支魏國公楊國忠亡父
贈持節魏郡諸軍事守魏郡太守珣赤泉儲祉白環
繼業膺積慶而誕德鍾具美而挺生枝茂者根深流

長者源濬是降英裔阜成兆人熙載而百度惟清審
衡而九流式序佐我玄化格于皇天信為名賢實稟
庭訓雖思人愛樹已有疇庸之策而因條振葉宜益
列崇之事俾以建旗之寵仍超曳屣之榮旣旌微烈
用光泉壤可贈武部尚書鄭函公母張氏可贈鄭國
夫人

十二月以安祿山男慶緒為衛尉卿詔曰王者出師
登壇擇將忠臣受任幹蠱成功則君賞其勤父成其
訓名教斯在寵秩是崇銀青光祿大夫鴻臚卿員外
置同正員兼廣陽郡太守同范陽節度副使上柱國

柳城縣開國男安慶緒門傳忠孝之義庭稟韜鈴之
畧志氣剛決固敵是求遂使榆塞息警柳城罷鋒百
勝深謀舉無遺策可旌上將之功用叶中行之吉可
特進行衛尉卿兼廣陵太守餘如故

十三年二月詔武德功臣及貞觀初宰輔等緬想忠
義感會風雲用集大勳肇興王業其有子孫零落冠
冕陵夷無任官守者宜令所司勘責依資與一人京
官唐初功臣績參締構錄勞念舊每寘于懷普恩之
外宜放一子出身如已有出身所司依資與一官

十四年賜朔方節度副使靈武郡太守攝御史大夫

安思順祖左玉鈐衛郎將

中失其名

為武部尚書考右

林軍大將軍波至為太子太師

十五年帝在成都詔文部尚書平章事房琯與子官
盧從愿為吏部侍郎典選六年前后無及之者帝嘉
之特與一子官從愿上疏乞回恩贈父乃贈其父吉
陽丞敬一為鄭州長史

牛仙客為工部尚書同中書門下三品贈其父意為
禮部尚書祖會為涇州刺史

張延賞中書令張嘉貞之子初名寶符召見賜名延
賞取延賞于世之義特授左司禦率府兵曹參軍

王君奭判涼州都督封晉昌伯拜其父爲少府監仍聽致仕帝又嘗於廣遠樓引君奭及妻夏氏設宴賜以金帛

肅宗至德二年十二月御丹鳳樓大赦詔武德開元及蜀郡靈武元從功臣有先亡沒死正事者並加優贈各與子孫一人官其赴蜀郡靈武元從軍及在路扈從官三品已上與一子官四品已下與一子出身六品已下量與進改

三年正月大赦詔陷在賊境爲其殺戮身死者三品已上各與進贈仍各與一子官五品已上一子出身

六品已下量事進贈其元從聖皇天帝至成都府文武官五品已上宜與一子官六品已下超資進改聖皇至成都府后到官及靈州寧州首末扈從三品已上與一子官五品已上放一子出身情願回授周親及親近亦聽唐元功臣身亡沒者子孫一人加一階其諸道節度下將士三品已下與一子官六品已上放一子出身自開元已來宰輔之家不爲逆賊所污者與子孫一人官是月又以朔方節度副使開府儀同三司鴻臚卿論誠節可襲撥川郡王食實封一百戶仍與一子三品官鉉耳大福封維郊郡開國公實

封一百戶李懷讓封沂國公食實封一百戶一子五
品官舍利如珍食邑封一百戶與一子五品官王仲
昇封沛國公與一子五品官呂崇賁封鄆國公與一
子五品官周皎封汝南郡開國公哥舒翰封朔方郡
開國公與一子五品官白延崇封壽春郡開國公與
一子五品官茶公榮封豫章郡開國公與一子五品
官李靖封清河郡開國公食實封一百戶與一子五
品官劉感義封彭城郡開國公與一子五品官
上元元年九月涇原兩州團練兵馬使元從特進兼
羽林軍大將軍同正員李元忠死王事帝以其子承

恩襲其官爵

代宗寶應元年十二月封朔方節度使僕固懷恩妻
賀魯氏爲涼國夫人賜實封二百戶以功寵之也

二年正月戊子制曰功崇望重加以服章德厚流光
延其懋賞爰益苴茅之典竝明幹蠱之才副元帥太
尉兼侍中都知河南淮南淮西山南東道諸節度行
營事上柱國臨淮郡李光弼元勳濟代公輔推賢宣
大化之神明總專征之師律自出征移鎮距海負河
連率百城旌旗千里東郊警衆雅繼魯侯之功北伐
擁旄首稱漢將之畧高牙罷設重阿斯調尤知武庫

之寶實在雲臺之右疇其奠食美以保家僉議允諾
舊章斯舉敬哉有土更載冊書之盟鯉也趨庭宜升
紫綬之寵可加食實封二百戶仍與一子官階三品
餘竝如故

二月乙未以河北副元帥僕固懷恩兵馬使高輔成
爲簡較太子少傅兼御史中丞賜實封三百戶與一
子五品官朔方都知兵馬使僕固瑒簡較太子少師
封定襄郡王賜實封五百戶莊宅各一所與一子五
品官朔方右廂兵馬使高彥崇簡較太子賓客賜實
封三百戶莊宅各一所與一子五品官

廣德元年七月上尊號大赦改元制河北副元帥僕
固懷恩宜兼太保仍與一子三品官二子四品官河
南副元帥李光弼與一子三品官幽州節度使李懷
仙與一子三品官李抱玉郭英乂辛雲京侯希逸田
神功孫志直白孝德令狐彰各與一子五品官李寶
臣薛嵩田承嗣張獻誠等各與一子五品官魚朝恩
寄崇師律程元振勳高佐命仍與一子五品官僕固
瑒高彥崇渾白進李建義李光逸楊崇光李懷光張
如岳白元光溫如雅拓拔澄必高暉盧欽文成惟良
曹楚玉等各與一子五品官加實封一百戶仍各賜

鐵券以名藏太廟畫像於凌煙閣并寇難已來將相
勲業高者其名籍圖畫亦准此子儀與一子四品官
苗晉卿劉晏裴遵慶元載各與一子四品官并階加
實封一百戶儀王及彭王已下男未有官者並准舊
例與官及封永穆并長樂已下公主及郡縣主嗣郡
王等各與一子官皇親五等已上諸親三等已上各
與一子出身二王後各與一子官諸道節度觀察使
立功將士其父兄在無官者依子文武與官已歿者
追贈陣亡將士襲父官爵

二年郭子儀爲關內河東副元帥加尚書令上表陳
讓詔荅所讓者依仍以其子晞兼御史大夫嘉其父
讓也

大曆三年二月以試太常卿郭曜爲太子賓客曜子
儀長子特拜正員三品寵之也

四年三月追贈宰臣王縉祖故太常寺協律郎胄爲
兵部尚書祖母程氏爲趙國夫人杜鴻漸祖故益州
長史慎行爲尚書左僕射祖母蕭氏爲滕國夫人元
載祖故左衛郎將敬同爲兵部尚書祖母劉氏爲沛
國夫人李抱玉祖左武衛郎將文成爲吏部尚書祖
母張氏冀國夫人及載亡母李氏爲涼國夫人推恩

也十一月滑毫節度使令狐彰淄青節度使李正己
竝遣男朝謁詔以彰男建兼御史中丞正己男納兼
侍御史仍賜金紫

十年七月詔劍南西川節度使崔寧賜一子五品官
賞功也

十二年四月詔曰往者大盜亂華梁宋偏羅其害危
城絕援折骸累月南霽雲真心壯節凌邁臧洪殞命
敵場凜然生氣宜以其子爲歙州別駕

七月詔曰頃者逆豎靈耀阻兵大梁淮西都虞候試
太常卿贈揚州大都督張自勉往觀蒙馬奉議正詞

無所屈撓賊臣肆忿斃於鉄鎖朕用憫焉雖錫命之
恩已旌寬宥而賞延之典宜及子孫可追贈實封五
十戶是年賜朔方都知兵馬使李懷光亡母其露寺
尼正則謚智母禪師官給葬事寵武臣也

德宗以大曆十四年五月卽位六月御丹鳳樓大赦
天下詔武德已來宰相功臣名跡崇高并至德已來
將相功效明著已亡歿者量加贈謚子孫沉翳者量
與官諸州刺史及嘗參官父見在未有官者量與五
品致仕官及階父母亡歿與贈官及邑號戊子贈驍
衛將軍代國公安金藏兵部尚書授其子承恩銀青

光祿大夫試殿中監兼廬州長史

建中四年四月贈故魏博節度都虞候兼御史中丞
衛嘗寧太子太師賜實封二百戶委馬燧懷光境上
以禮致祭仍與抱真李芑孝忠日知等訪其妻孥親
族具以名聞有子者便以父官爵授之子孫三代已
來過犯者減一等論所賜實封載之典冊勿令廢絕
是年敬長皇后弟吳淑使於朱泚泚謀逆已決因害
淑於客館之前德宗聞而哀悼久之淑嫡子與正員
五品官

興元元年六月京畿副元帥李晟平朱泚收京師拜

司徒詔贈晟父欽太子太保母王氏代國夫人

七月李懷光擁兵河中以給事中孔巢父克宣慰使
遇害德宗聞而驚悼久之授一子正員官是月御用
鳳樓大赦天下詔司徒兼中書令晟與一子五品正
員京官侍中瑊與一子六品正員京官驛元光尚可
孤韓遊瓌戴休顏各與一子七品正員官諸道節度
使及行在都知兵馬使都虞候扈從左右金吾六軍
大將軍各與一子八品正員官都團練使觀察使各
與一子官

貞元元年十一月癸卯日南至祀圓丘禮畢詔曰司

州州方議 延賞二 卷之二 三十一
徒晟宜與一子五品正員官是年河東節度使馬燧
平河中李懷光德宗下詔褒美遷光祿大夫兼待中
仍與一子五品正員官渾瑊爲河中同陝虢等州節
度旣平李懷光以功加簡較司空與一子五品正員
官并階

二年四月李希烈平詔曰叛臣希烈竊據淮沂師旅
一興綿聯莫解勞服者從役不暇受汚者無路自新
通邑化爲丘墟遺骸過於原野每念及此心傷涕流
自昔勞師者靡有不悔以虞舜之聖屈於苗人漢武
之疆笑于戎虜矧乎德猶不遠力或未全我冀永懷

亦以自警乃者下哀痛之詔布寬大之恩普天
殊化畢宥然而尙勞師旅禦捍封陲有累歲離棄室
家有經時不解甲冑忠雖爲國咎實在君子民若斯
寧不知愧賴將相士族一其誠心奮揚武威慎固疆
宇遠人思服元惡就誅蒸黎方致於安寧後戊永期
於休息懋官以旌美賜宴以勞旋賞不踰時蓋遵彝
典都統簡較司空平章事劉玄佐宜與子孫一人五
品正員官節度使簡較右僕射李澄簡較兵部尙書
曲環簡較戶部尙書李臯兼御史大夫樊澤等各與
子孫一人七品正員官都防禦使工部尙書賈耽都

團練使御史大夫盧玄卿張建封等各與子孫一人
八品正員官簡較司空平章事李抱真簡較司空平
章事李納簡較右僕射平章事韓滉工部尚書田緒
等各遣將士五千人赴河南行營同討不庭厥有成
績抱真納滉各與子孫一人六品正員官緒與子孫
一人八品正員官

三年七月詔曰乃者吐蕃犯塞毒我生靈假擾隴東
深入河曲朕以兵戎粗定傷痍未瘳務息戰伐之謀
將遂通和之請亦知戎醜志在貪婪重違修睦之詞
迺允尋盟之會果為隱匿變發墮官縱犬羊兇狡之

群乘文武信誠之衆蒼黃陷沒深用惻然此皆朕
之不明致其若此既無德於萬寓實有愧於四方
胥肝貽憂何嗟而及今兵部尚書崔漢衡等皆國之良
士朝之蓋臣嬰繫穹廬眈然殊域念其家室或未離
於屢空祿以錫男庶或資於薄俸漢衡宜與一子七
品官司勳員外郎鄭叔矩簡較戶部郎中陸泌殿中
侍御史韓弁及大將孟日華辛榮李至言范澄王良
賁樂演明陽皆權文成等各與一子八品官試右金
吾兵曹參軍袁同直前榆次尉裴頴及副兵馬使已
上各與一子九品官仍委本使即具名衙聞奏

四年正月一日赦書天下刺史與一子正員官

七月詔以太尉兼中書令西平郡王晟長子試大理評事兼監察御史愿爲銀青光祿大夫太子賓客仍賜上柱國唐制公卿嫡嗣皆自命而后言于有司帝以晟功高特爲命嫡且寵異以兩階勳俾其父子並建門戟

六年十一月庚午南郊畢詔宰相及東都留守六軍統軍諸道節度使神策神武金吾六軍都團練防禦觀察使京兆河南尹正員尚書御史臺長官太嘗卿各與一子官故尚父子儀與一子五品正員官如已

五品已上量與改轉贈太尉秀實與一子官張巡許

遠南霽雲顏真卿杲卿各與一子正員官

七年二月授張巡男去疾許遠男峴南霽雲男承嗣顏真卿男願杲卿孫謨之官旌忠烈之後也

五月門下侍郎平章事實參祖尚衣奉御瑾特贈揚州大都督父絳州閭喜尉審言特贈吏部尚書祖母段氏追封武威郡太夫人毋毋氏追封鄭國太夫人參將附祖禰新廟故特加寵贈

九年十一月乙酉日南至郊祀禮畢大赦天下故尚父子儀贈太師晟贈太尉秀實各與一子六品正員

官是年詔曰前利州刺史狄博濟惟乃曾祖梁文惠公啓佑天后定紹復之策幽贊中興宜錫祚裔垂于無窮矧博濟郡人懷之理有異等可衛尉少卿

十一年十一月辛亥以前太子賓客李愿為左領軍大將軍李憑為右威衛大將軍依前兼中丞皆太尉晟之子以免喪故晟諸子同日授官者凡九人

十四年贈故衡州刺史王繹洪州都督以其弟緯徽也

順宗初卽位制曰武德以來配饗功臣及張巡許遠南霽雲顏真卿杲卿等子孫中各與一人正員官

尚父子儀贈太師晟太尉秀實子孫中各與一人正員官五品及諸州府長史及京嘗參官父見在未有官者並與五品致仕官及階父歿母存者與邑號父母亡歿量與追贈陝州元從寶應功臣興元元從奉天定難功臣賜爵勳有差亡歿者與追贈中書門下節度東都留守度支鹽鐵等使京兆郡觀察招討等使及神策神威金吾六軍將大將軍英武威遠鎮國軍使隴右經畧軍使節度留後各與一子官

憲宗元和元年正月册尊號詔中書門下及外使宰相與一子七品官東都留守六軍大將等與一子出

身東宮竝與改官其撰冊文官等各與一子官及勳爵有差

二年正月辛卯有事于南郊大赦天下制故尚父子儀太師晟太尉秀實及顏真卿杲卿張巡許遠南霁雲及配饗功臣與一子官及出身有差

七月錄配饗功臣之後以蘇瓌孫繫為京兆府司錄參軍崔玄暉孫元方張說孫瓘竝為監察御史狄仁傑孫玄範為左拾遺詔曰朕惟承累聖之業追先正之勞濟于艱難代有勲烈既而本根已遠枝葉稍零詔書屢勤于褒飾有司不忘於遴簡一命宰府載

搜揚錄其先功果復良嗣蘇繫等咸以茂學懿行勛于前修皆人之領袖族之狐趙類能而舉各命以官或任以紉繩或參于諫烈庶乎旌太傅之德將擬南城之封紹鄴侯之裔不俟東門之感忠義獲寵古今同之后數日又得敬暉孫元亮表恕已孫德師相次錄用

三年四月戊寅謚張柬之為文貞桓彥範為忠烈敬暉為貞烈崔玄暉為文忠袁恕已為忠烈先是柬之曾孫曠以謚事詣中書陳訴宰臣上聞因令有司授曠官仍定柬之等謚焉

五年三月以贈給事王澹之子璋爲左清道率府曹參軍澹因李鑄爲亂遇害故錄其嗣是年劉濟爲幽州節度使討鎮州王承宗累破樂壽等縣賞功頗厚仍與一子孫六品官者凡四人

六年七月御延英對宰臣李吉甫奏曰臣伏見代宗時滑州節度令狐彰臨終上表悉以土地兵甲籍上朝廷遣諸子隨表歸闕代宗以彰遺表宣示百寮付史館當時在位者聞之無不感嘆今唯有次子通在臣每感彰同時河朔諸鎮傳子傳孫無不熾灼數代唯彰忠義感激奉國忘家遣子入朝以土地歸於

帝貞元中長子建坐事死施州幼子運亦無罪流死於歸州欲使忠義者何所激勸今通幸存得遇明聖伏乞陛下召對與語如堪進用望稍優獎帝因語宰臣曰德宗英靈冠於百王但臨事剛斷宰臣不能規諫朕比在藩邸雖則幼年記得數事未副外望豈非宰臣懷祿畏避不言遂令四方傳說此是宰臣有負先聖卿等當以此爲鑒戒因授通贊善大夫

九年八月庚寅錄功臣之后以左神策軍華原鎮遏兵馬使兼御史大夫康志寧爲簡較左騎嘗侍兼左龍武軍將軍知軍事河南府永寧縣令李晏爲京兆

府高陵縣令左神策正將楊嶼爲袁州司馬薛之達
夔州司馬蘇縝爲隴州司馬李克展爲鳳翔府倉曹
李融爲嘗州司戶李仲暮爲襄州司倉田知清爲冀
王府功曹李元正爲循王府功曹詔曰君臣運合故
徇國以毀家勸賞義明故褒功而顯節存則疇其爵
祿歿則錄其子孫然後忠義不遺典章斯在故茲晉
隰等州觀察使簡較兵部尚書康曰知故徐州刺史
兼御史大夫李洧等一十家皆有茂功藏於盟府故
命授訪后嗣光賁前人今志寧等或服戎著績或從
官有成或投迹運府之中或滯才州縣之職咸加甄

錄各茂官榮庶乎受祿者無忘於聿修懷忠者使知
其必報勉庸寵擢無替前勞

十二年七月贈著作郎樵皇太子太保臯前贈秘書
監至是因子德輿相爲立家廟復有是贈

十三年正月赦書故尚父子儀贈太師晟贈太尉秀
實及顏真卿臯卿張巡許遠南霽雲與一子官及出
身有差

十四年三月以撫州司馬同正令狐通爲右衛將軍
給事中崔植封詔上言通嘗刺壽州用兵失律前罪
未塞不宜遽加獎用命宰臣論植以通父彰有功不

延賞二
忍棄其子詔遂行

七月帝御宣政殿册尊號禮畢大赦天下故尚父子儀贈太師晟贈太尉秀實及張巡許遠南霽雲顏真卿杲卿子孫各與官及出身是月宣武軍節度使韓弘與一子七品正員官

九月辛丑以魏博田弘正之兄相州刺史田融為檢校刑部尚書兼太子賓客東都留守

穆宗以元和十五年正月卽位二月御丹鳳樓大赦詔中書門下及節度等使東都留守度支鹽鐵使京兆尹諸軍使等賜一子官有差武德巴來

一等功臣并張巡許遠南霽雲顏真卿杲卿等尚父子儀贈太師晟贈太尉秀實子孫中與一子官有差其中有才行堪在臺省者量才叙用

六月舉勲賢之後堪任臺省官者以大理正段文通為殿中侍御史渭南縣尉郭承嘏為監察御史前淮南營田副使顏顥為水部員外郎長安縣丞顏諡為大理正又以宰臣韓弘祖望贈右僕射父海贈太師令狐楚祖崇豪贈吏部尚書祖父承簡贈禮部尚書蕭俛祖華贈太保父嘗贈吏部尚書段文昌祖懷皎贈給事中父諤贈左僕射其祖母及母竝加封贈又

封蕭俛母韋氏岐國太夫人是月魏博節度使簡較
司徒兼侍中田弘正祖延暉贈吏部尚書父庭珩贈
右僕射淮南節度使簡較左僕射平章事李夷簡祖
察言贈兵部尚書父自仙贈右僕射河東節度使簡
簡左僕射兼門下侍郎平章事裴度祖有鄰贈右僕
射父淑贈太子太保幽州節度使簡較司空平章事
劉總祖暉贈太師其祖母及母並加封爵贈是年邠
寧節度使李光顏來朝詔與一子正員四品嘗參官
長慶元年正月辛亥赦詔故尚父汾陽王及贈太師
成贈太尉秀實各與一子官八品顏真卿杲卿張巡

許遠南霽雲各與一子出身武德以來功臣子孫量
加獎用中書門下及節度使帶平章事者各與一子
八品正員官祖父母及父母並與贈官封父歿母存
者與邑號已贈已封者更與追贈及邑號禮儀使太
禮使度支鹽鐵使京兆尹各與一子出身文武嘗參
官并致仕及諸道節度觀察經畧等使及神策等諸
軍使父見存者量與致仕官母存者與邑號父母亡
歿與贈官及邑號東都留守及諸道節度觀察經畧
等使神策金吾大軍將軍威遠鎮國軍使各與一子
出身四月以幽州劉總籍土地歸闕授其弟約及男

延賞二
等一十一人官領郡符加命服者五人升朝班佐環衛者六人是月贈廬江縣令崔嬰甫吏部侍郎嬰甫宰相植之父也植出繼伯父祐甫及是以情上請故特追贈

七年大赦制撰冊文官中書侍郎平章事崔植與一子正員官

四年八月以太僕寺主簿李宏爲河南府兵曹掾獲嘉令蔣郾爲伊陽令安史之亂宏祖愷郾祖清皆著名節故特制寵之

後宗卽位初大赦詔元和已來兩河節度使全家歸闕者如張茂昭王承元程權劉緝田宏正等五家各與一子正員官

寶曆元年正月以前右補闕魏瓘爲湖州司馬瓘文貞公徵之孫也朝廷以忠賢之斥寵爲諫官瓘病不克身故有是命

二年四月以姚元崇玄孫前京兆府富平縣尉令爲監察御史以宋璟曾孫前太嘗寺大樂署令堅爲京兆府富平縣尉

文宗太和元年正月赦詔今年正月十四日上皇太后尊號及朕受冊進寶撰卽位冊文承旨宣制等官

各與一子正員七品官是月平盧軍節度使康至睦
上言故萊州刺史李庭遠當李師古節制東平之日
庭遠爲屬郡屢陳忠順以沮奸兇繇是父子二人俱
爲師古所害其幼子可舉纔十歲逐在海中至今猶
在臣已署軍職請兼授管內一官遂以淄州高苑縣
主簿命之又詔涇原節度使李祐與一子五品正員
官

二年三月尚書右僕射同中書門下平章事裴度進
封太原郡公中書侍郎同中書門下平章事韋處厚
進封靈昌郡公裴度實功直各請封爵回授一男

六月以故中書令褚遂良五代孫虔爲汝州臨汝縣
尉內史狄仁傑曾孫前鄉貢明經元封爲懷州修武
縣尉故侍中宋璟曾孫渤爲岳州沅江縣尉故中書
侍郎平章事李元絃曾孫伉爲鄧州向城縣尉詔曰
褚遂良五代孫虔等朕詳觀列聖紀冊祖宗盛業燦
然在前其或道有污崇政有善否未始不繫乎當時
輔弼嘗因便殿言諸宰臣勉其裨益協心推戴且以
去歲乙巳登應門敷大號俾疇贊相以訪遺裔或才
器擅價各列官業或血食不繼宗祊已蕪如遂良之
委笏面諍名垂史書仁傑之恢復廟社事形先覺宋

璟之文吏骨鯁功叅治平元絃之守規畫一時成有裕

其胄僅存不絕如髮各授邑吏使其自試十月授故

侍中魏徵四代孫可則鄧州南陽縣尉侍中魏知古

曾孫處訥潭州湘鄉縣尉故左僕射裴冕曾孫行實

號州司功叅軍詔曰武德已來輔相之臣以道致君

以勞定國若贈司空徵故侍中知古贈太尉冕語其

功次皆在第一清風餘祉宜及乎後昆爾等乃其曾

孫式叶搜獎俾奉貽謀之慶用覃延賞之恩各命以

官勉思祖德

三年五月滄州平庚寅加李祐銀青光祿大夫檢校

左僕射仍賜一子五品正員官并加實封三百戶

四年七月丙戌以故中書令蕭瑀五代孫耽故尚書

左僕射同中書門下三品蘇瓌四代孫翔故中書侍

郎同中書門下平章事陸象先四代孫量並為釋褐

叅軍文學

五年七月癸卯錄國初功臣衛國公李靖等七家裔

嗣命之以官

九年十月以前同州長春宮巡官試祕書省較書郎

魏謩為右拾遺帝因讀貞觀政要思文貞公魏徵之

德訪其後得謩而不次用之

册府元龜 帝王部 卷之百三十一 二十四

開成元年正月故詔河朔節將以州縣歸國者有張
茂昭田弘正程權各與一子官子弟堪任使者委中
書門下量加引用又詔曰劉總王承元元和中以河
朔郡縣歸朝廷悉宜以新赦書張茂昭例賜一子正
員官

閏五月癸丑以前殿中監渾鏖爲壽州刺史鏖太師
城子也宰相以城扶危之勲諸子凋落賞延之道宜
加優寵初以壽州爲請帝曰鏖勲臣子豈可牧人仲
尼以爲不如多與之邑今我念其先子女玉帛無愛
焉使之鮮服美食可也宰臣以鏖常爲郡有幹勤之
名屢薦之故有是命

三年四月以鄧州南陽縣尉魏可則爲櫟陽縣尉時
帝於閣內召起居舍人魏謩對問文貞之疇績因訪
其族裔故有是命又以博陵王崔玄暉曾孫前商州
防禦判官兼殿中侍御史郢爲監察御史以平陽王
敬暉曾孫前試太子通事舍人元膺爲河南縣丞以
漢陽王張柬之玄孫前宜城縣尉憬爲壽安縣尉以
南陽王袁恕已曾孫鄉貢進士德文爲秘書省較書
郎初御史中丞狄兼謩帝前語及叔祖仁傑與五王
協心禪贊王室帝因問其后搜揚獎擢唯桓彥範之

州府志 延賞二 卷之二十三
后訪無其人

五月戊辰以故棣州刺史樂濛男存固爲鄆州壽張縣主簿大和初李同捷阻兵滄景濛不從其亂爲同捷所囚舉家遇害存固年少隱於吏家因得脫免至是錄濛忠節故命以官

十一月己未以前河東縣尉長孫鈞爲河中府猗氏縣令制云朕每覽國史見太尉無忌之事未嘗不廢卷咨嘆遐想其人訪其裔孫用申甄獎

四年十月丙辰海州節度使劉約上言王鏐之子故德州刺史王稷在任有善政郡人愛之爲李全畧所

殺家無遺類有男叔泰年五歲郡人宋忠獻潛以養之今已成長臣察知其事忠獻已補軍職叔泰送歸其宗詔王鏐累朝宣力王稷一旦捐軀湏錄遺孤微申憫念王叔泰委吏部與九品官令王祭祀

昭宗天祐元年大赦詔武德以來立功効節著在策書者竝與搜訪子孫繼嗣量材叙用

後唐莊宗同光元年十月平汴州詔歿王事者如有子孫成立堪任使者竝量材甄錄

二年八月壬午以檢校戶部尚書守邢州長史郭廷誨可簡較右僕射守左衛大將軍簡較工部尚書左

武衛將軍同正郭廷信可簡較右僕射守左驍衛大將軍皆樞密使崇韜之子也

朱友謙初仕梁爲河東節度使莊宗誅亦嬖自河中來朝以其子同州節度使令德爲遂州節度使令錫爲許州節度使諸子二千石者六七將較剖符者五六恩寵之盛時無比隆

明宗天成二年二月勅朕以握圖御宇應運承祧副億兆之歡心賴英雄之叶力雖疇庸之命已徧及於勲賢而延賞之恩宜更加於骨肉應諸道節度使男及親嫡骨肉未霑恩命者特許上聞

五月勅朕自恭承景運祇荷丕圖念寰海生靈錄勳賢骨肉承家莫尚於孝報國莫大於忠忠孝兩全古今所重在朝文武臣僚并諸道節度刺史等有父母者宜徧加恩澤使天下之爲人父者知感爲人子者知恩競揚家國之風顯著君臣之道

二年二月己丑勅准二年五月十二日勅中外臣僚及諸道節度使等有父母者并許加恩例凡居臣下盡抱公忠共爲朝廷各榮家族具慶者繼頌恩渥俾光晨耀昏旣二者宜澤泉扃以光封樹應中外羣臣諸道節度防禦團練刺史等父母亡歿者并與追贈

追封

五月丁巳勅自家刑國內平外成天子立言備有關
雎之樂春秋垂訓非無石窳之封况夫尊於朝妻貴
於室所宜從爵各顯家肥朝臣及諸道節度使妻室
未有稱號者宜各加恩

四年正月幽州節度使趙德鈞奏臣孫美年五歲默
念何論孝經今於汴州叙解就試勅都尉之子太尉
之孫能念儒書備彰家訓不勞就試特與成名宜賜
別勅及第仍附今年春榜

長興元年二月郊祀畢下制曰其朝臣及藩侯郡守
等亡父母祖父母及父母在并妻室未霑恩命者與
追贈及叙封又以故汴州馬步軍都指揮使馬彥超
男壽哥爲雒州長史仍改名承祚彥超天成初爲汴
州都指揮使朱守殷將謀叛逆引彥超計事彥超不
從爲守殷所害及誅守殷帝念彥超能執節守義而
延賞其子

六月甲戌以魏徵八代孫韶爲安定縣主簿八月十
牛副使檢校刑部尚書夏光銳起復雲麾將軍簡較
右僕射爲澤州刺史光銳卽故遂州節度使曾奇之
子也朝廷念勲故有是命

張希崇為汝州防禦使母先為尼賜紫衣師號

末帝清泰二年九月詔曰安崇贊父有力於皇家著

之青史雖然得罪於先朝此日特行於延賞况頻逢

赦宥可繼蒸嘗亦欲忠義之士知朕念勲之旨擢為

上佐爾惟勉旃特授孟州司馬崇贊故明宗朝樞密

使重誨之子也故有是命

三年二月以太子正字夏光隱為國子太學博士故

遂州節度使曾奇之子以父歿於本州以死持電璋

而與族故有是命

晉高祖天福二年二月勅曰朕以爰膺寶曆方啟金

行既風教之誕敷諒寰區之漸泰而絲股肱元輔

郡重臣咸著大功同為至治雖列地顯爵盡布新恩

而追遠奉先猶虧舊典宜示褒功之寵俾祛風樹之

悲自在朝文武百僚至見任刺史先代未封贈者據

品秩與封贈已封贈三代者與加封贈又在朝宰臣

已下臣僚外任刺史已上母妻未叙封已叙封等朕

以削平禍亂開創基扁漸成銷饅之建承協興隆之

運亦繇左右元輔中外勲臣弼予一人宅是四海茂

績雖彰於王室覃恩未及於私門德盛母儀貴而因

于禮優婦道榮必從夫宜加渙汗之恩顯示封崇之

冊解元編 延賞二
與其未叙封者據品秩與叙封已叙封國號者與進封

七月丁卯勅曰朕聞王者懷於有仁所以享靈長之運賞延於世所以勸忠烈之臣唐開府儀同三司守太尉兼中書令西平王上柱國岐國公食邑三千戶食實封一千五百戶贈太師謚曰忠武李晟五代孫職以爾祖西平王昔在德宗皇帝幸梁洋之歲而有保定大功中興返正扶持社稷之力載諸史氏予嘉乃德日篤不忘宜升五代之孫禪陟太監之位光乃前烈煥乎後昆可將仕郎耀州司戶參軍

八月制曰或無辜被害或徇節忘生既抱沉寃宜伸贈典應自張從賓作亂已來諸色員僚內有死於王事者竝與追贈有子孫者量材叙錄

十月戊戌詔曰恩隆加等故有明文道在恤孤宜弘異渥自去年出師已來諸軍將較有歿於王事者其子孫竝與量材叙錄

六年八月壬寅制應河東起義之初佐命及收復鄴都元水立功臣寮將較等其二歿者更與追贈子孫已有職官者與遷改未有身名者與叙用

少帝開運中以宰臣桑維翰長子坦爲屯田員外郎

次子墳為祕書郎維翰謂同列曰漢代三公之子為郎廢已久矣近或行之甚誼外議乃抗表固讓不受尋改坦為大理司直墳為祕書省正字議者美之漢隱帝乾祐元年以宰臣楊邠子右贊善大夫廷佩為北部員外郎宰臣蘇逢吉從兄前洛州團練推官晏為司門員外郎

周太祖廣順二年三月補故控鶴指揮使郭超長男重均充左番殿直次男重友充右番殿直以父歿王事故也

世宗顯德三年十二月辛巳贈故開利府襄邑縣令

劉居方右補闕仍賜其男士衡北學究出身居方累幸太邑甚得撫字之要帝知之故持加贈典而復賞其子焉

西極文翔鳳訂正

四年五月甲寅以江南偽命前壽州衙內都指揮使劉崇讚為簡較太保懷州刺史崇讚故鄆州節度使仁瞻子也以其父舉壽陽來降故有是命

周官司勳掌六功之名數而制其褒賞之典錄三代而下乃有參豫締構輔成大業扶獎王室佐佑生民處帷幄而運籌內申於毗贊執干戈而戡難外震於

册府元龜

淮南李嗣京參閱

西極文翔鳳訂正

豫章黃國琦較釋

帝王部

一百三十二

褒功

周官司勲掌六功之名數而制其褒賞之典繇三代而下乃有參豫締構輔成大業扶獎王室佐佑生民處帷幄而運籌內申於毗贊執干戈而戡難外震於威靈至或矢謀盡規經物成務定策佐命而安宗社

奉辭出塞而清戎羯勲烈竝建威聲載路於是有金
石之賜車服之錫加以殊禮形於善頌乃至增其爵
秩賞及冑裔推詔獎以溫密著圖續之炳煥示慈於
燕喜宥死於甲令陪葬於園寢配饗於大烝稱伐於
銘篆飾終於贈謚皆所以顯揚其丕績懋觀於來者
使知夫為善之益而慕報德之盛焉

周武王伐紂時封諸臣有功者於廟作賚之詩賚予
也言所以賜予善人也

成王幼弱周公踐天子之位以治天下六年朝諸侯
於明堂制禮作樂頒度量而天下大服
踐猶履也頒
讀為班度量

丈尺高卑廣狹也量為
豆區斗斛箱筥所容受 七年致政於成王以周公為

有勲勞於天下 致政以王事歸授之
王功曰勲事功曰勞 是日封周公於

曲阜地方七百里革車千乘 曲阜魯地上公之封地
方五百里加魯以四等

之附庸方百里者二十四竝五五二十五積四十九
開方之得七百里革車兵車也兵車千乘我國之賦
也詩魯頌曰王謂叔父建爾元子俾侯於魯大啟爾
宇為周室輔乃命魯公俾侯于東錫之山川土田附
庸又曰公車千
乘朱英綠滕也 命魯世世祀周公以天子之禮樂 同

於周尊之也 是以魯君孟春乘大路載弧韜旂十有

二旒日月之章祀帝于郊配以后稷天子之禮也 孟
春

建子之月魯之始郊月以至大路殷之祭天車也弧
旌旗所以張幅也其衣曰韜天子之旌旗畫日月帝
謂蒼帝靈威曜也
昊天上帝魯不祭 季夏六月以禘禮祀周公於太廟

牲用白牡尊用犧象山罍鬱尊用黃日灌用玉瓚大

圭薦用玉豆雕篋爵用玉琖仍雕加以璧散璧角俎

用琬歲并歌清廟下管象朱干玉戚冕而舞大武皮

弁素積褐而舞大夏昧東夷之樂也任南蠻之樂也

納夷蠻之樂於太廟言廣管於天下也季夏建巳之月也禘大祭

周公曰太廟管公曰世室辟公稱官白牲殿牲也尊

酒器也犧尊以沙羽為畫飾象骨飾之鬱鬯之器也

黃鬯也灌酌爵導以獻也瓚形如槃容五升以大圭

為柄是謂圭瓚篋邊屬也以竹為之雕刻飾其直者

也爵君所進于尸也仍因也因爵之形為之飾也加

加爵也散角皆以璧飾其口也琬始有四足也歲為

之距清廟同頒也象謂周頌武也以管播之朱干赤

大盾也戚斧也冕冠名也諸侯之服自交冕而下如

正之服也大武周武也大夏夏舞也周禮昧師

掌教昧樂詩曰以雅以南以箛不僭廣大也

周公

在豐

致政老歸將沒欲葬成周

已所管作示公薨成王葬

于畢

不敢臣周公故告周公作亳姑

亳姑言所遷之功成云

康王追念周公之所以勲勞者而欲尊管故賜之以

重祭外祭則郊社是也內祭則大嘗禘是也

言此者王室所

欲右周

夫大嘗禘外歌清廟下而管象朱干玉戚以

舞大武八佾以舞大夏此天子之樂也康周公故以

賜管也

清廟頌文王之詩也管象吹管而舞武象之

樂也朱干赤盾戚斧也此武象之舞所執也

佾猶列也大夏禹樂文舞也執羽箛文武之舞皆八

列互言之耳康猶褒大也易晉卦曰康侯用錫馬

子孫纂之至於今不廢所以明周公之德而又以重

其國也不廢不廢其此禮樂也重猶尊也

平王元年命衛侯和為公和武初犬戎殺幽王武公

將兵往佐周平戎甚有功王命為公

定王十三年晉士會帥師滅赤狄晉侯請于王戊申

以黻冕命士會將中軍宜為太傅代荀林父將中軍且加以太傅之官

黻冕命卿之服大傅孤卿

靈王十八年魯襄公之十九年也鄭公孫蕞率赴於

晉大夫范宣子言於晉侯以其善於伐秦也襄十四年晉伐

秦子蟜見諸侯師而勸之濟涇也六月晉侯請於王王追賜之大路

使以行禮大路天子所賜車服摠名以行葬禮傳言大夫有功則賜服路

漢高祖五年項籍死帝置酒對眾折隨何曰腐儒腐儒

爛敗言無所堪任為天下安用腐儒哉高祖意欲褒賞隨何恐羣臣不服故對眾

折辱令其自數功勞也隨何跪曰夫陛下引兵攻彭城楚王

未去齊也陛下發步卒五萬人騎五千能以取淮南

乎曰不能隨何曰陛下使何與二十人使淮南如陛下

下之意是何之功賢於步卒數萬騎五千也然陛下

謂何腐儒為天下安用腐儒何也帝曰吾方圖予之

功圖謀也乃以隨何為護軍中尉是年高祖置酒雒陽

南宮帝曰通侯諸將舊曰徹侯避武帝諱曰通侯通亦徹也通言其功德通於王室

也又其後改為列侯列者見序列也母敢隱朕朕曰我古者上下共文咎繇與帝舜言稱朕屈

原曰朕皇考至秦獨以為尊稱漢遂因之而不改也

者何項氏之所以失天下者何高起王陵對曰姓高各起

漢帝年紀高帝時有信平侯臣陵都武侯 陛下嫚而

侮人嫚易也讀與嫚同 項羽仁而敬人然陛下使人攻滅畧

地所降下者因以與之與天下同利也項羽妬賢疾

能有功者害之賢者疑之戰勝而不與人功得地而

不與人利此其所以失天下也帝曰公知其一未知

其二夫運籌帷幄之中決勝千里之外吾不如子房

填國家撫百姓給餽餉不絕糧道吾不如蕭何填與

鍾安也餽亦饋字 連百萬之眾戰必勝攻必取吾不如韓信

三者皆人傑吾能用之傑言傑然獨出也 此吾所以取天下

者也項羽有一范增而不能用此所以為我擒也羣

臣說服

宣帝本始元年詔曰夫褒有德賞有功古今之通義

也車騎將軍光祿勳富平侯安世宿衛忠正宣德明

恩勤勞國家守職秉義以安宗廟其益封萬六百戶

次大將軍光

甘露二年單于始入朝帝思股肱之美迺圖畫其人

於麒麟閣武帝獲麒麟時作此閣圖畫其象於閣遂以為名又曰漢宮閣疏云蕭何造 法

其形貌署其官爵姓名惟霍光不名曰大司馬大將

軍博陵侯姓霍氏次日曰衛將軍富平侯張安世次日

車騎將軍龍頡侯韓增次日曰後將軍營平侯趙充國

次日曰丞相高平侯魏相次日曰丞相博陵侯丙吉次日曰

御史大夫建平侯杜延年次日曰宗正陽城侯劉德次

曰少府梁丘賀次日曰太子太傅蕭望之次日曰典屬國

蘇武皆有功德知名當世是以表而揚之明著中興

輔佐列於方叔召虎仲山甫焉二人皆周宣王之臣有文武之功佐宣王

中興者言宣帝亦重興漢室而霍光等竝為名臣皆比於方叔之屬凡十一人

成帝建始四年河決於館陶河隄使者王延世使塞

命其為使而塞河也華陽國志云延世字長叔犍為資中人也 以竹落長四丈大九

圍盛以小石兩船夾載而下之三十六日河隄成帝

曰東郡河決流漂二州較尉延世隄防三旬立塞其

以五年為河平元年卒治河者為著外錄六月以卒治河

有勞雖執役日近皆得此錄惟延世長於計策功費

約省用力日寡朕甚嘉之其以延世為光祿大夫秩

中二千石賜爵關內侯黃金百斤

後漢光武初景丹為偏將軍號奉義侯從擊王郎將

兒宏等於南燕即兵迎戰漢軍退卻續漢書曰南燕賊足里上營得

上彭車輕重數重也丹等縱突騎擊大破之追奔十餘里死傷

者縱橫丹還光武謂曰吾聞突騎天下精兵今乃見

其戰樂可言邪

建武四年漁陽太守彭寵反上谷太守耿况屢攻破之五年寵死天子嘉况功使光祿大夫樊宏詔况曰惟况功大不宜監察從事邊郡塞苦不足久居其詣行在所賜甲第奉朝請封陽平侯

五年建威大將軍耿弇攻張步於臨淄張步復來攻弇弇擊破之後數日車駕至淄自勞軍群臣大會帝謂弇曰昔韓信破歷下以開基今將軍攻祝阿以發迹此皆齊之西界功足相方而韓信襲擊已降將軍獨拔勅敵其功乃難於信也

六年征西大將軍馮異朝京師引見光武謂公卿曰是我起兵時主簿也爲吾披荆棘定關中旣罷使中黃門賜以珍寶衣服錢帛詔曰舍李蕪葦亭豆粥滹沱河麥飯厚意久不報異稽首謝曰臣聞管仲謂桓公曰願君無忘射鉤臣無忘檻車齊國賴之臣今亦願國家無忘河北之難小臣不敢忘巾車之恩後數引燕見定議圖蜀留十餘日令異妻子隨還西上八年征隗囂征虜將軍祭遵屯沂公孫述遣兵救囂諸將奔還遵獨留不却詔曰將軍連年距難衆兵卽却復獨案部功勞爛然兵退無宿戒糧食不豫具今

乃調度恐力不堪國家知將軍不易亦不遺力送縑千匹以賜吏士

陳俊初為安集掾擊銅馬拜疆弩將軍與五較戰手接短兵追奔二十餘里斬將光武望而嘆曰戰將盡

如是豈有憂哉以俊為琅琊太守行大將軍事俊將

兵擊董憲於贛榆贛榆縣名屬東海郡進破胸賊孫陽平之是

年張步畔還琅琊俊追討斬之帝美其功詔俊得專

征青徐華嶠書曰賜俊璽書曰將軍元勳大著威震青徐兩州有警得專征之也俊得撫

貧弱表有義簡制軍吏不得與郡縣相干百姓歌之

數上書自請願奮擊隴蜀詔報曰東州新平大將軍

之力也負海猾夏盜賊之處國家以為重憂且勉鎡

撫之

明帝時竇憲既破北單于勒銘燕山乃班師詔使中

郎將持節即五原拜憲大將軍封武陽侯食邑二萬

戶憲固辭封賜策許焉永平二年詔曰大將軍憲前

歲出征克滅北狄朝加封賞固讓不受舅氏舊典竝

蒙爵土西漢故事帝舅皆封其封憲冠軍侯邑二萬戶篤郎侯

景汝陽侯瓌夏陽侯各六千戶憲獨不受封

永平中帝追感前世功臣乃圖畫二十八將於南宮

雲臺其外又有王常李通竇融卓茂合三十二人其

二十八將者太傅高密侯鄧禹中山太守全椒侯馬
 成大司馬廣平侯吳漢河南尹阜成侯王良左將軍
 膠東侯賈復琅琊太守祝阿侯陳俊建成威大將軍好
 時侯耿弇驃騎大將軍參遮侯杜茂執金吾雍奴侯
 寇恂積弩將軍昆陽侯傅俊征南大將軍舞陽侯岑
 彭左曹合肥侯堅鐔征西大將軍夏陽侯馮異上谷
 太守淮陽侯王霸建義大將軍潁陽侯祭遵豫章太
 守中水侯李忠驃騎大將軍滎陽侯景丹右將軍槐
 里侯萬修虎牙大將軍安平侯蓋延太嘗靈壽侯邳
 彤衛尉安成侯姚期驍騎將軍昌成侯劉植東郡大
 守東光侯耿純橫野大將軍山桑侯王嘗城門校尉
 節陵侯臧宮大司空固始侯李通捕虜將軍楊虛侯
 馬武大司空安豐侯竇融驃騎將軍慎侯劉隆太傅
 宣德侯卓茂

傳育為武威將軍護羌校尉戰死育初為臨羌長與
 捕虜將軍馬武等擊羌滇浯功冠諸軍及在武威聲
 聞於匈奴食祿數十年秩奉盡贍給知友妻不免操
 井曰帝下詔追褒美之封其子毅為明進七百戶
 魏太祖令曰故陳畱太守棗祗天性忠能始共舉義
 兵周旋征討後袁紹在冀州亦貪祗欲得之祗深附

託於孤使領東阿令呂布之亂兖州皆叛惟范東河完在繇祗以兵據城之力也後大軍糧乏得東河以繼祗之功也及破黃巾定許得賊資業當興立屯田時議者皆言當計牛輸穀佃科以定施行後祗白以爲僦牛輸穀大收不增穀有水旱災除大不便反覆來說孤猶以爲當如故大收不可復改易祗猶執之孤不知所從使與荀令君譏議之時故軍祭酒侯聲云科取官牛爲官田計如祗議於官便於客不便聲懷此云云以疑令君祗猶自信據計畫還白執八田之術孤乃然之使爲屯田都尉施設田業其時歲大收後遂因此大田豐足軍用摧滅羣逆克定天下以隆王室祗興其功不幸早歿追贈以郡猶未副之今重思之祗宜受封稽留至今孤之過矣祗子處中宜加封爵以祗爲不朽之事婁圭字子伯從太祖破馬超等子伯功爲多太祖嘗嘆曰子伯之計孤不及也

程昱嘗從太祖征討屢有功及中夏漸平太祖拊昱背曰兖州不用君言吾何以至此

徐晃爲平寇將軍太祖還鄴留晃與夏侯淵拒劉備於陽平備遣陳式等十餘營絕馬鳴閣道晃別征破

之賊自投山谷多死者太祖聞甚喜假晃節令曰此
閣道漢中之險要咽喉也劉備欲斷絕外內以取漢
中將軍一舉克奪計之善者也

夏侯淵為行護軍將軍督朱靈等屯長安建安中抱
罕宋建因涼州亂自號河西平漢王太祖使淵帥諸
將討建淵至圍抱罕月餘拔之斬建及所置丞相已
下淵別遣張郃等平河關渡河入小湟中河西諸羗
蓋降隴本平太祖下令曰宋建造為亂逆三十餘年
淵舉滅之虎步關右所向無前仲尼有言吾與爾不
類也

文帝初涼州盧水胡反西河大授詔以張既為涼州
刺史既追擊大破之斬首獲生以萬數帝甚悅詔曰
卿踰河歷險以勞擊逸以寡勝衆功邁南仲勤踰吉
甫此勲非但破胡乃永寧河右使吾長無西顧之念
矣徙封西鄉侯增邑三百并前四百戶

又詔朱靈曰將軍佐命先帝典兵歷年威過方召功
踰絳灌圖籍所美何以加焉朕受天命帝有海內元
功之將社稷之臣皆朕所以同福共慶傳之無窮者
也今封郃侯富貴不歸故鄉如夜行衣繡若平嘗所
志願勿難言靈謝曰高唐宿所願於是更封高唐

明帝青龍元年五月壬申詔祀故大將軍夏侯惇大

司馬曹仁車騎將軍程昱於太祖廟庭魏書載詔曰昔先王之禮

於功臣存則顯其爵位沒則祭於大烝故漢氏功臣祠於廟庭大魏元功之臣勲爵優著終始休明者其

皆依禮祀之於是以惇等配饗

齊王正始四年七月詔祀故大司馬曹真征南大將

軍夏侯尚太嘗桓階司空陳羣太傅鍾繇車騎將軍

張郃左將軍徐晃前將軍張遼右將軍樂進太尉華

歆司徒王朗驃騎將軍曹洪征西將軍夏侯淵後將

軍朱靈文聘執金吾臧霸破虜將軍李典立義將軍

龐德武猛毅尉韋典於太祖廟庭

五年十一月癸卯詔祀故尚書令荀攸於太祖廟庭

六年十一月拾祭太祖廟始祀佐命臣二十一人

嘉平二年諸葛誕反驃騎將軍王昶據夾石以逼江

陵持施績全熙使不得東諸葛誕既誅詔曰昔孫臏

救趙直走大梁西兵驟進亦所以成東征之勢也增

邑千戶并前四千七百戶遷司空持節都督如故

郭淮為雍州刺史嘉平元年遷征西將軍都督雍京

諸軍事三年詔曰昔漢川之役幾至傾覆淮臨危濟

難功書玉冊在關右三十餘年外征寇虜內綏民夷

比歲以來摧破闕廖化車騎將軍儀同三司持節都

督如故進封陽曲侯邑凡二千七百八十戶分三百戶封一子亭侯

高貴鄉公時鄧艾爲安西將軍大破姜維之衆甘露元年詔曰逆賊姜維連年狡黠民夷騷動西土不寧艾籌畫有方忠勇奮發斬將十數馘首千計國威震於巴蜀武聲揚於江岷今以艾爲鎮西將軍都督隴右諸軍事進封鄧侯分百戶封子忠爲亭侯

陳畱王景元三年詔祀故軍祭酒郭嘉於太祖廟庭四年鄧艾平蜀下詔曰艾曜威奮武深入虜庭斬將塞旗梟其鯨鯢使僭號之主稽首係頸歷世遺孽一朝而平兵不踰時戰不終日雲徹席卷蕩定巴蜀繼曰起破強楚韓信克勁趙吳漢禽于陽亞夫滅七國計功論美不足比勲也其以艾爲太尉增邑二萬戶封二千亭侯各食邑千戶

又詔鍾會曰會所向摧弊前無強敵緘制衆城網羅迸逸蜀之豪帥面縛歸命謀無遺策舉無廢功凡所降誅動以萬計全勝獨克有征無戰拓平西夏方隅清晏其以會爲司徒進封縣侯增益萬戶封二子亭侯邑各千戶

晉武帝泰始二年王沉薨以佐命功武帝方欲委以

萬機旣薨帝素服舉哀賜密噐朝服一具衣一襲錢三十萬布百疋葬田一頃謚曰元明年帝追思沉勲詔曰夫表揚徃行所以崇賢垂訓慎終紀遠厚德興教也故散騎嘗侍驃騎將軍博陵元公沉蹈禮居正直心清粹經綸墳典才識通洽入歷嘗伯納言之位出幹監收方嶽之任內著謀猷外宣威畧建國設官首登公輔兼統中朝出納大命實有翼亮佐世之勲其贈沉司空公以寵靈旣徃使沒而不朽又前以真贊之勲當受羣臣之封而固辭懇至嘉其讓德不奪其志可以郡公官屬送葬

咸寧元年詔論次功臣將配饗宗廟所司奏故太傅鄭冲太尉荀顗司徒石苞司空裴秀驃騎將軍王沉安平獻王孚等及太保何曾司空賈充太尉陳騫中書監荀勗平南將軍羊祜齊王攸等十二人皆銘功太嘗配饗清廟

惠帝太安初議郎周玘起義兵破妖賊張昌石冰等徐揚竝平又陳敏反于楊州以玘爲安豐太守四品將軍玘稱疾不行密遣使告鎮東將軍劉準令發兵臨江已爲內應與顧榮其卓等以兵攻敏敏衆奔潰追獲斬之又吳興錢璿反玘復率合鄉里義衆討璿

斬之傳首建康玘三定江南開復王畧帝嘉其勲以
行建威將軍吳興太守烏城縣侯帝以玘頻興義兵
勲誠竝茂乃以陽羨及長城之西鄉丹陽之永世別
爲義興郡以彰其功焉懷帝末顧榮卒帝臨喪盡哀
欲贈榮依齊王功臣格吳郡內使殷佑上箋論榮之
功曰昔賊臣陳敏憑寵籍權滔天作亂兄弟相姪盤
固州郡威逼士庶以爲臣僕于時賢愚計無所出故
散騎常侍安東軍司嘉興伯顧榮經德體道謀猷宏
遠忠貞之節在困彌厲崎嶇艱難之中逼迫姦逆之
下每惟社稷發憤忼愾密結腹心同謀致討僭藩群
士名冠東夏德聲所振莫不響應荷戈駿奔其會如
林榮乃躬當矢石爲衆率先忠義奮發忘家爲國歷
年逋寇一朝土分兵不血刃蕩平六州勲茂上代義
彰天下伏聞論功依故大司馬齊王格不在帷幕密
謀參議之例下附州征野戰之比不得進爵拓土賜
拜子弟遐邇同嘆江表失望齊王親則近屬爲方嶽
伏節握兵都督近畿外有五國之援內有宗室之助
稱兵彌時役連天下元功雖建所喪亦多榮衆無一
旅任非藩翰孤絕江外王命不通臨危獨斷以身殉
國官無一金之費人無終朝之勞元惡旣殄高尚成

功封閉倉廩以俟大軍故國安物阜以義成俗今日
霸圖事舉未必不繇此而降也方之於齊強弱不同
優劣亦異至於齊府參佐扶義助強非創謀之主皆
賜班受瑞或公或侯榮首~~班~~容謀爲方面盟主功高
元帥賞卑下佐上虧經國紀功之班下孤忠義授命
之士夫孝績幽明王教所崇况若榮者濟難寧國應
天先事歷觀古今未有立^功若彼酬報如此者也繇是
贈榮侍中驃騎將軍開府儀同三司謚曰元

愍帝初爲秦王索綝立王爲皇太子及卽尊位綝遷
侍中大僕以首迎大駕昇壇受璽之功封弋居伯尋

詔曰朕昔遇厄運遭家不造播越寔楚爰失舊京幸
宗廟寵靈百辟宣力得從藩衛託乎羣公之上社稷
之不隕實公是賴宜贊百揆傳弼朕躬其授衛將軍
領太尉位特進軍國之事悉以聞之

明帝時紀瞻爲領軍將軍王敦之亂帝使謂瞻曰卿
雖病但爲朕臥護六軍賊平復自表還家帝不許固
辭不起詔瞻忠亮雅正識局經濟屢以年耆病久遂
巡告誠朕深明此屯操重高其志今聽所執其以爲
驃騎將軍嘗侍如故服物制度一索舊典遣使就拜
止家屬爲府瞻旣卒後朝廷論討王含功追封華榮

子降先爵二等封次子一人亭侯

成帝時溫嶠薨帝下冊書曰朕以眇身纂承洪緒光
闡大道化洽時雍至乃狂狡滔天社稷危逼惟公明
鑒特達識心經遠懼皇綱之不維忿凶寇之縱暴唱
率羣后五州響應首啟戎行元惡受馘王室危而復
安三光幽而復明功格宇宙勲著八表方賴大猷以
拯區夏天不憖遺早世薨殂朕用痛悼于厥心夫褒
德銘勲先王之明典今追贈公侍中人將軍持節都
督刺史餘如故賜錢百萬布千匹謚曰忠武祠以太
牢初葬于豫章後朝廷追嶠勲德特爲造大墓於元

明二帝陵之北陶侃上表曰故大將軍嶠忠誠著於
聖世勲義感於人神非臣筆墨所能稱陳臨卒之際
與臣書別臣藏之篋笥時時省視每一思述未嘗不
中夜撫膺臨飯酸噎人之云亡嶠實當之謹寫嶠書
上呈伏惟陛下旣垂御省傷其情旨死不忘忠身沒
黃泉追恨國耻獎臣戮力救濟艱難使亡而有知抱
恨結草豈樂今日勞費之事願陛下慈恩停其移葬
使嶠棺柩無風波之危魂靈安於后土詔從之後嶠
後妻何氏卒子放之便載喪還都詔葬建平陵北并
贈嶠前妻王氏及何氏始安夫人印綬

鄒鑒爲太尉薨帝朝脯哭于朝堂遣御史持節護喪
事贈賻一依溫嶠故事册曰惟公道德冲邃體識弘
遠忠亮雅正行爲世表歷位內外勲庸彌著乃者約
峻狂狡毒流朝廷社稷之危賴公以寧功侔古烈勲
邁桓文方倚大猷藩翼時難昊天不弔奄忽薨殂朕
用悼于厥心夫爵以顯德謚以表行所以崇明軌跡
丕揚徽節今贈太宰謚曰文成祀以太牢魂而有知
嘉茲榮寵

魏詠之字長道早與劉裕遊歎及桓玄篡位協贊義
謀玄敗授建威將軍豫州刺史桓歆寇歷陽詠之率

衆擊走之義熙初爲荊州刺史卒于官詔曰詠之器
宇弘劭識局貞隱同獎之識實銘王府敷績之効聖
惠在人奄致隕喪惻愴于心可贈太常加散騎常侍
其後錄其贊義之功追封江陵縣公食邑二千五百
戶

後魏道武初尉古真從帝在賀蘭部爲賀染干所執
傷一目古真弟諾少侍帝以忠謹著稱從圍守山諾
先登傷一目帝嘆曰諾兄弟竝毀其目以建功効誠
可嘉也寵待遂隆除平東將軍賜爵安樂子
于栗磾爲冠軍將軍從帝伐中山及趙魏平定帝置

酒高會謂栗碑曰卿即吾之黥彭大賜金帛

明元在東宮王維兒給事帳下元紹之逆帝還宮社稷獲父維兒有功焉即位拜散騎嘗侍詔曰士處家必以孝敬為本在朝則以忠節為先不然何以立身於當世揚名於後代也散騎嘗侍王維兒車路頭等服勤左右十有餘年忠謹恭肅久而彌至未嘗須臾之頃有廢替之心及至艱難人皆易志而維兒等授命不移貞操踰懇雖漢之樊灌魏之許典無以加焉勤而不賞何以獎勵將來為臣之節其賜維兒爵新息公加直意將軍永興五年卒贈太尉建平王賜諡明秘器載以輜輶車使殿中衛士為之導從帝親臨哀慟者四焉

叔孫俊道武時為獵郎帝即位與元磨渾等拾遺左右及朱挺王悅將為大逆俊覺悅遂殺之帝以俊前後功重軍國大計一以委之泰嘗元年卒帝甚痛悼之親臨哀慟朝野無不追惜贈侍中司空安城王賜溫明秘器載以輜輶車衛士導從陪葬金陵子後有大功及寵幸貴臣薨贈賻送終禮皆依俊故事無得踰之者

太武時伊弼為振威將軍帝之將討涼州也議者咸

諫唯司徒崔浩勸帝決行羣臣出後駁言於帝曰若涼州無水草何得為國議者不可用也宜從浩言帝善之既尅涼州帝大會於姑臧謂羣臣曰崔公智計有餘吾亦不復奇之駁乃馬之士而所見能與崔同此深可奇顧謂浩曰駁智力如此終至公相浩曰何必讀書然後為學衛青霍去病亦不讀書而能大建

勲名致位公輔帝曰誠如公言

又浩為太常卿時議擊蠕蠕浩贊成策畧

太武幸其第加侍中特進撫軍大將軍賞謀謨之功也帝詔新降高車渠帥數百人賜食酒於前帝指浩浩以示之曰汝曾視此人厓纖懦弱手不能彎弓持矛其胸中所懷乃踰於兵甲朕始時雖存疑計之意而志慮不自決前後尅捷皆此人導吾令至此耳

豆代田為勇武將軍從帝討平涼擊破赫連定得奚

斤等帝以定妻賜之詔斤膝行受酒於代田勅斤曰

全爾身命者代田功也

來大千為征北大將軍時吐京胡反以大千為都將

討平之大千在吐京卒喪還停於平城南帝出還見

而問之左右以對帝悼嘆者良久詔曰大千忠勇盡

節功在可嘉今聽其喪入殯城內贈司空謚曰莊公

子兵類襲爵

奚烏侯以功進爵夷餘公出為虎牢鎮將興光中卒

詔喪禮依其伯父嘗農王斤故事陪葬金陵

獻文時慕容白曜為征南大將軍攻宋無鹽等戍一旬之內頻拔四城威震齊主帝嘉焉詔曰卿摠率戎旅討除不賓霜戈所向無不摧靡旬日之內尅拔四城韓白之功何以加此雖斗城戍將房崇吉守迷不順危亡已形潰在旦夕宜勉崇威略務存長轡不必窮兵極武以為勞頓

尉元為鎮南大將軍宋沈攸之吳憺公領卒數萬從沂清而進元遣孔伯恭大破賊軍拜元都督徐南北兗州諸軍事鎮東大將軍開府徐州刺史帝詔元口賊將沈攸之吳憺公驅率蟻衆進寇下邳卿戎昭果

智勇奮發水陸邀絕應時摧殄自淮以北廓然清定皆是元帥經畧將士効力之所致也朕用嘉之今方欲清蕩吳會懸旌秣陵至於用兵所宜形勢進止善加量度動靜以聞

孝文以長孫嵩在太武時為太尉北平王薨帝追錄先朝功臣以嵩配饗廟庭

又以穆崇自太祖為魏王拜崇征虜將軍從平中原及薨命崇立祀子孫世奉焉太和中追錄功臣以崇配饗崇之孫真尚長城公主卒謚曰宣帝追思崇勲令著作郎韓顯宗與真撰定碑文建於白登山

崔玄伯爲周兵將軍疾卒後帝追錄先朝功臣以玄伯配饗廟庭

陸麗在文成時以輔立功遷司徒公爲乙渾所害獻文甚惜之謚曰簡王陪葬金陵帝追錄先朝功臣以麗配饗廟庭

薛真度自帝遷雒每獻計於帝勸先取樊鄧後攻南陽故爲帝所賞賜帛一百匹又加持節正號冠軍改封臨晉縣開國公食邑三百戶詔曰獻忠盡心人臣令節標善之賞有國徽範故一言可以興邦片辭可以喪國得無遠錄前謀以褒厥善真度爰自遷京每在戎役沔北之計嘗所與聞知無不言頗見采納及六師南邁朕欲超據新野羣情皆異真度獨與朕同撫寧蠻夷實有勤績可增邑二百戶轉征虜將軍豫州刺史

李崇文成元皇后兄之子也帝南討昏揚靈珍遣弟婆羅與子雙領騎萬餘襲破武興詔崇都督隴右諸軍討之崇大破之斬婆羅靈珍走奔漢中帝在南陽覽表大悅曰使朕無西顧之憂者李崇之功也以崇爲都督梁秦二州諸軍事本軍將軍梁州刺史帝手詔曰今洮隴克清鎮捍以德爾之威惠旣宣實爲遠

寄故勅授梁州用寧邊服便可善思經畧去其可除
安其可育公私所患悉令芟夷

任城康王雲孫嵩爲武衛將軍從帝伐齊斬獲萬計
勇冠三軍帝大悅而言曰任城康王有大福德文武
出其門以功賜爵高平縣侯資帛一千五百匹

高閭爲鎮南將軍相州刺史及帝車駕至鄴帝頗幸
其州館詔曰閭昔在中禁有定禮正樂之勲作藩於
州有廉清公幹之美自大軍停軫庶事咸豐可謂國
之老成善始令終者也每惟厥德朕甚嘉焉可賜帛
五百疋粟一千斛馬一疋衣一襲以褒厥勲

顯宗自帝南伐爲右軍府長史征虜將軍統軍軍
次赭陽南齊成主成公期遣其軍主胡松高法授等
并引齊人來擊軍營顯宗親率拒戰遂斬法授首顯
宗至新野帝詔曰卿破賊斬帥殊益軍勢朕方攻堅
城何不作露布也顯宗曰臣頃聞鎮南將軍王肅獲
賊二三驢馬數匹皆爲露布臣在東觀私每哂之近
雖仰憑威靈得摧醜虜兵寡力弱擒斬不多脫復高
曳長纜虛張公捷尤而効之其罪彌甚臣所以歛毫
卷帛解上而已帝笑曰如卿此勲誠合茅土須赭陽
平定簡審相酬新野平以顯宗爲鎮南廣陽王諮議

參軍

宣武以王肅自南齊來歸孝文時爲將相有大功及薨於壽春帝爲舉哀詔曰肅奄至不救痛惋兼懷可遣中書侍郎賈思伯兼通直散騎嘗侍撫慰厥孤給東園祕器朝服一襲錢三十萬帛一千匹布五百匹疋疋三百斤并問其卜遷遠近專遣侍御史一人監護喪事務令優厚又詔曰死生動靜卑高有域勝達所居存亡崇顯故杜預之歿窆於首陽司空李冲覆舟是託顧瞻斯所誠亦二代之九原也故揚州刺史肅誠義結於二世英會符於李杜平生本意願終京陵既有宿心宜遂先志其令葬於冲預兩墳之間使之神遊相得也贈侍中司空

邢巒爲安東將軍大破梁兵帝賜巒璽書曰知大戮

醜虜威振賊庭淮外霧披徐方盪卷王畧遠恢混二

維始公私慶泰何快如之賊衍此舉實爲傾國比者

宿豫陷歿淮陽嬰城凶狡俯張規抗王旅將軍忠規

協著火烈霜摧雷動岱陽風掃沂嶧遂令逋誅之寇

一朝殲夷元鯨大斃千里折首殊勲茂捷自古莫二

但揚區未安餘燼宜盪乘勝倚角勢不可遲便可率

厲三軍因時經畧申威東南清彼江介忘此疲勞用

圖永逸進退規度委之高筭

後周太祖河橋之戰馬中流矢墜地都督李穆以馬授帝遂得俱免擢授武衛將軍加大都督車騎大將軍儀同三司進爵安武郡公增邑一千七百戶前後賞賜不可勝計久之帝美其忠節乃嘆曰人之所貴唯身命耳李穆遂能輕身命之重濟孤於難雖復加之以爵位賞之玉帛未足爲報也乃特賜鐵券恕以十死進驃騎大將軍開府儀同三司侍中初穆授衛以驄馬其後中廐有此色馬者悉以賜之穆爲并州總管長子惇授車騎大將軍儀同三司大都督進爵爲公帝令功忠世子竝與畧陽公遊處惇於時輩之中特被引接每有選方服玩異域珍奇無不班錫低授小武伯進爵安樂郡公

高琳爲衛將軍從擒莫多婁貸文仍戰河橋琳先驅奮擊勇冠諸軍帝嘉之謂之曰公卽我之韓白也

赫連達字朔周盛樂人勃勃之後曾祖庫多汗因避難改姓杜氏初從賀拔岳西征及岳爲侯莫陳悅所

害達馳請帝引軍平悅帝謂諸軍曰當清水公

清水公卽

賀拔岳也遇禍之時君等性命懸於賊手雖欲來告其路

無從杜朔周冒萬死之難遠來見及遂得其盡忠節

同雪讐耻雖籍衆人之力實賴杜子之功勞而不酬
何以勤善乃賜馬二十匹

宇文貴爲大將軍破支羗於粟坂帝美其功遂於粟
坂立碑以紀其績

趙昶自以被拔擢居將帥之任傾心下士虜獲氐羗
撫而使之皆爲昶盡力帝曰不煩國家士馬而能威
服氐羗者趙昶有之矣

明帝武成二年十二月辛巳以功臣琅琊貞獻公賀
拔勝等十三人配饗太祖廟庭

武帝以韋孝寬立勲玉壁遂於玉壁置勲州刺史又
以孝寬爲驃騎大將軍於玉壁後帝東伐過幸玉壁
觀禦敵之所深讚美之移時乃去南李嗣京參閱

宇文慶深沉有學局屬文州以夷相聚爲亂慶應募
從征賊保據巖谷征路懸絕慶以馬而進襲破之以
功授都督從帝拔晉州及破高緯拔高壁克并州下
信都擒高楷功竝居最帝詔曰慶勲庸早著英望華
遠出內之績簡在朕心戎車自西俱總行陣東夏蕩
定實有茂功高位縟禮宜崇榮册於是進位大將軍
封汝南郡公邑千六百戶

册府元龜

淮南李嗣京參閱

西極文翔鳳訂正

豫章黃國琦較釋

帝王部 一百三十三

褒功第二

隋高祖受禪周法尚為巴州刺史破三鴟叛蠻於鐵

山復從柱國王誼擊走陳寇遷衡州總督四州諸軍

事改封譙郡公邑三千戶後帝幸維陽召之及引見

賜金鈿透鍤一雙絲五百段良馬十五匹奴婢三百

口給鼓吹一部法尚固辭帝曰公有大功於國特給
鼓吹者欲令公卿聞知朕之寵公也固與之

宇文弼從韋孝寬平尉遲迥帝顧謂弼曰尉遲迥傾
山東之衆連百萬之師公舉無遺策戰無全陣誠天
下之英傑也進封萊國公增邑三千戶

賀婁子幹初爲後周秦州刺史及尉遲迥作亂子幹
與宇文從錄韋孝寬討之遇賊圍懷州子幹與宇文
述等擊破之帝乃大悅手書曰逆賊尉遲迥敢遣璉
衆作寇懷州公受命誅討書令南陽郡公袁恕已等
竝德惟神降材與運生

載勤勞王家參復禹之功加謀奉昇唐之景命惟祖
易久而勲烈益彰撫彝器以念功想旂常而增感緬
遵故實用表徽懿俾列在清廟登於明堂克申從祀
之儀式茂疇庸之典竝可配享中宗孝和皇帝廟庭
十年十一月景中朔方郡節度使兵部尚書信安郡
王禕破突厥凱旋引將士等見帝置酒享之勅曰禕
總戎朔陸經略萬里賦軍籍車箱卒銳兵自其有虞
莫不素練而醜虜背誕偏師致誅謀若有神取如翮
拾雖廟畧之云遠亦將士之力焉威武載揚頑羽且
懾窮寇覆巢以奔北羣師掉鞅而來歸因其凱旋

加宴樂各宜坐飲相與盡歡

十二年隴右節度使鄯州都督王君奭破吐蕃來獻
戎捷帝置酒于內殿享之謂曰卿能振國威恢邊破
敵誠節旣著俘獲又多疇庸策勳已有處分卿及將
士等並宜飲宴兼有賜物各宜領取

韓擒虎平金陵執陳後主叔寶時賀若弼亦有功帝
下詔於晉王曰此二公者浮謀大畧東南道三賊本
委之靜地恤民悉如朕意九州不一已幾百年以名
臣之功成太平之業天下盛事何用過此門以忻然
實深慶快平定江表二人之力也賜物萬段又下優

詔於擒虎弼曰中國威於萬里宣朝化於一隅使江
南之民俱出湯火數百年之寇旬日廓清專是公之
功也高名塞於宇宙盛業光於天壤逸聽前古罕聞
其匹班師凱入誠知非遠相思之甚寸陰若歲

賀若弼字輔伯平陳之役爲行軍總管晉王以弼先
勇決戰違軍命於是以弼屬吏帝驛召之及見迎勞
曰克定三吳公之功也命登御坐賜物八千段加位
上柱國進爵宋國公眞食邑三千戶加以寶劔寶帶
金盤各一并雉尾扇曲蓋雜綵二千段女樂二部又
賜陳叔寶妹爲妾拜右領軍大將軍

王韶字子相伐陳爲元帥府司馬及克金陵帝謂公卿口晉王以幼稚出藩遂能尅平吳越綏靜江湖子相之力也於是進位在國賜奴婢三百口綵絹五千段

達奚長儒爲上大將軍破突厥沙鉢略可汗帝下詔曰突厥猖狂輒犯邊塞犬羊之衆彌亘山原而長儒受任北鄙式遏寇賊所部之內少將百倍以晝通宵四面抗敵凡十有四戰所向必摧兇徒就戮過半不及鋒刃之餘亡魂竄迹自非英威奮發奉國情誠撫御有方士卒用命豈能以少破衆若斯之偉言念勳

庸宜隆名器可上在國餘勳廻授一子

李安爲楊素司馬仍領行軍總管襲破陳師帝嘉之詔書勞曰陳賊之意自言水戰爲長險隘之間彌謂官軍所憚開府親將所部夜盪舟師摧破賊徒生擒虜衆益官軍之氣破賊人之膽副朕所委任以勳進位上大將軍除鄧州刺史

元諧爲行軍元帥討吐谷渾各王公侯來降帝大悅下詔曰褒善疇庸有聞前載元諧識用明達神情警悟文規武畧譽流朝野申威拓土功成疆場浮謀大節實簡朕心加禮延世宜降賞典可柱國別封一子

縣公諧拜寧州刺史

韋冲為南寧州總管持節撫尉冲既在南寧渠帥龔

震及西爨首領皆詣府參謁帝大悅下詔褒揚之

豆盧毓為漢王諒府主簿諒作亂毓苦諫不從見害

諒平帝下詔曰褒顯名節有國通規加等飾終抑惟

令典毓浮議大義不顧姻親出於萬死首建奇策去

逆歸順殉義亡身追加榮命宜優嘗禮可贈大將軍

封正義縣公賜帛二千疋謚曰愍

衛玄與代王留守京師會王玄感圍逼東都玄率旅

騎七萬援之苦戰賊稍却既而玄感西遁玄遣解

萬善監門直閣龐玉追之及于闐鄉與宇文述等合

擊破之車駕至高陽徵詣行在所帝勞之曰祗懼之

臣也使朕無西顧之憂仍下詔曰近者妖氛充斥擾

動關河文昇率勵義勇應機響赴表裏奮擊摧破兇

醜宜昇榮命式弘賞典可右光祿大夫賜以良田甲

第資物鉅萬

樊子益為東都留守楊玄感作逆來逼王城盡銳攻

城不能克車駕至高陽追詣行在所既而引見高祖

逆勞之曰昔高祖留蕭何於關西光武委寇恂以河

內公其人也子益謝曰臣任重器小寧可竊譬言兩賢

但以陛下威靈小盜不足除耳進位光祿大夫封子
蓋建安侯尚書如故賜縑二千匹女樂五十人子蓋
固讓優詔不許後車駕還東都帝謂子蓋曰玄感之
反神明故以彰公赤心耳折珪進爵寧有令謨是日
下詔進爵為濟公言其功濟天下特為立名無此郡
國也賜縑三千匹奴婢二十口後與蘇威宇文述陪
宴積翠亭帝親以金杯屬子蓋酒曰良算嘉謀侯公
後動卽以此杯賜公用為永年之端并綺羅百匹
麥鐵杖為右屯衛大將軍遼東之役與賊戰死帝為
流涕購得其屍下詔曰鐵杖志氣驍果宿著勳庸陪
麾間罪先登陷陣節高義烈身殞功存興言至誠追
懷傷悼宜賴殊榮用彰飾往可贈光祿大夫宿國公
謚曰武烈子孟才嗣尋授光祿大夫孟才有二弟仲
才季才俱拜正議大夫賜贈鉅萬賜輜輶車給前後
部羽葆鼓吹平壤道敗將宇文述等百餘人皆執紼
王公已下送至郊外

楊恭仁大業初轉吏部侍郎楊玄感作亂帝詔恭仁
率兵經畧與玄感戰於破陵大敗之玄感兄弟挺身
遁走恭仁又與屈突通等追討獲之軍旋帝召入殿
內謂曰我聞破陵之陣唯卿力戰功最比雖知卿奉

法清慎都不知勇決如此也納言蘇威曰仁者必有勇固非虛也

張須陁大業中爲齊郡丞賊帥王簿聚結數萬人寇掠郡境須陁擊破之露布以聞帝大悅優詔褒揚使者圖其形容而奏之

唐高祖武德元年八月下詔曰朕自起兵晉陽遂登皇極經綸天下實仗羣才尚書令秦王世民尚書右僕射寂或契合元謀或同心運始竝陷義輕生捐家殉節艱辛備履金石不移論比忠勤特宜優異官爵之榮抑惟舊典勲賢之議宜有別恩其犯罪非叛逆

可聽恕一死其太原元謀勲效者宜以名聞及所司進簿裴寂劉文靜如恕二死長孫順德劉孔基趙文恪竇琮劉政會劉世龍殷開山柴紹唐陰武士護張平高許世緒李思行李高遷竝恕一死

李襲譽少通敏有識度隋末爲冠軍府司兵時陰師輔弒王爲京師留守所在多盜賊陰師遣襲譽募山南士馬以接京師襲譽旣至漢中會帝已定長安遣使授襲譽蜀漢道招尉大使仍令承制封拜襲譽率漢川之衆西指成都屬段綸爲益川總管代襲譽招撫襲譽乃入拜右光祿大夫太府少卿帝嘉其功命

爲三從姪詔曰安康郡公襲譽我之同姓派別枝分
惟厥祖考世敦恭睦襲譽部率宗人協同義舉立功
巴蜀誠節開基宜有褒榮用超階序特聽合譜宗正
恩禮之差同諸服屬

劉瞻爲涪州刺史時劉武馬連年爲寇隣城多陷賊
數攻之輒爲瞻所敗帝下書勞之曰涪州之全卿之
力也功績垂成念自勗勵富貴之事非卿而誰

馬三寶本柴紹家僮奉平陽公主遁於司竹及義兵
濟河三寶以衆數萬詣軍後領平道軍將嘗從幸司
竹帝顧謂三寶曰是汝建英雄處邪衛青大不惡

太宗貞觀初代州行軍總管李靖撫納降附突厥頡
利可汗歸款太宗嘗謂之曰昔李陵提步卒五千不
免身降匈奴尙得書名竹帛卿以三千輕騎深入虜
庭克復定襄威振北狄古今未有足報往年渭水之
役也

武德九年八月帝初卽位突厥入寇至渭水
水帝與頡利盟于便橋突厥引兵而退

五年李子和從太宗平劉黑闥陷陣有功賜姓李氏
拜右武衛將軍

七年右武衛將軍張士貴破反獠而還帝勞之曰聞
公親蒙矢石爲士卒先雖古名將何以加也况朕嘗
聞以身報國者不顧性命但聞其語未覩其實於公

方見之矣

十二年四月左武衛大將軍秦叔寶卒贈徐州都督陪葬于昭陵令所司於其塋內立石人馬以旌戰陣之功焉

十三年特進楊恭仁卒册贈開府儀同三司潭州都督陪葬昭陵謚曰孝

十四年詔淮安王神通與河間王孝恭贈陝州大行臺右僕射鄭節公殷開山贈民部尚書渝襄公勳政會配饗高祖廟庭

十六年宇文士及卒初士及為右衛大將軍尋錄其功別封一子為新城縣公在職七年復為殿中監加

金紫光祿大夫及疾篤太宗親問撫之流涕及卒贈左衛大將軍涼州都督陪葬昭陵

十七年二月戊申詔曰自古皇王褒崇勲德既勒銘於鍾鼎又圖形於丹青是以甘露良佐麟閣著其美

建武功臣雲臺紀其迹司徒趙國公無忌司空楊州都督河間王孝恭故司空萊文成公如晦故司空相

州都督太子太師鄭文貞公徵司空梁國公玄齡開府儀同三司尚書右僕射申國公士廉開府儀同三

司鄂國公敬德特進衛國公靖特進宋國公瑤故輔

國大將軍夔國公弘基故尚書左僕射蔣忠公通故
陝東道大行臺尚書左僕射耶節公開山故荊州都
督譙襄公紹故荊州都督邳襄公順德雒州都督耶
國公張亮光祿大夫吏部尚書國公侯君集故左驍
衛大將軍剌襄公張謹左領軍盧國公程知節故禮
部尚書永興文懿公虞世南故戶部尚書淪襄公劉
政會光祿大夫戶部尚書莒國公唐儉光祿大夫兵
部尚書英國公李勣故徐州都督胡壯公秦叔寶等
林惟棟榘謀敵經遠綱紀帷帳經綸霸圖或學綜經
籍得範光煒隱犯同致忠謹日聞或竭力義旗委贊
藩邸一心表節百戰標奇或受賑廟堂關土方面重
氛載朗王畧遐宣竝契闔屯夷劬勞師旅贊景業於
草昧翼淳化於隆平茂績嘉庸冠冕列辟昌言直道
牢籠摺紳固以瞻伊呂而連衡邁周召而長驚者矣
宜酌故實弘茲令典可竝圖書於凌煙閣庶念功之
懷無謝於前載旌賢之義永貽於後昆
二十年八月丁亥詔曰周室姬公陪於畢陌漢庭蕭
相附彼高園寵錫墳塋聞諸上代從窆陵邑信有舊
章蓋以懿戚宗親類本同之枝幹元功上宰猶在身
之股肱哀榮之義實隆始終之契斯允今宜聿遵故

實取譬拱辰庶在鳥耘之地無虧魚水之道宜令所
司於昭陵南左右廂封境取地仍卽標誌壇域擬爲
墓所以賜功臣其有文祖陪陵子孫欲來從墓者亦
宜聽允

丘行恭爲光祿大夫從討王世充會戰於邛山之上
太宗欲知其虛實雖弱乃與數十騎衝之直出其後
衆皆披靡莫敢當鋒所殺傷甚衆旣而限以長隄與
諸騎相失唯行恭獨從尋有勁騎數人追及太宗矢
中御馬行恭乃廻騎射之發無不中行恭然後下馬
拔箭以其所乘馬進太宗行恭於御馬前步執長刃
巨躍大呼斬數人突陣而出入太軍貞觀中有詔刻
石爲人馬以象行恭拔箭之狀立於昭陵門前

郭孝恪武德中爲宋州刺史令與徐勣經營武牢已
東所得州縣委以選補其後竇建德率衆來援王世
充孝恪於青城宮進策於太宗曰世充日蹙片迫力
盡計窮懸首面縛翹足可待建德遠來助虐糧運阻
絕此是天喪之時請固武牢屯軍汜水隨機應變則
易爲尅殄帝然其計及破建德平世充帝於雒陽置
酒高會謂諸將曰郭孝恪謀禽建德之業王長光龍
門下米之功皆出諸人之右也

長孫無忌爲司空太宗追思王業艱難佐命之力乃作威鳳賦以賜焉又嘗謂無忌曰朕卽位之初上書者或言人主必須權威獨運不得委任羣下或欲耀兵振武攝服四夷唯有魏徵勸朕偃革興文布德施惠中國旣安遠人自服朕從其語天下大寧絕域君長皆來朝貢九夷重譯相望於道此皆魏徵之力也河間王孝恭自隋大業末羣兇競起皆爲太宗所平謀臣猛將並在麾下罕有別立勳庸唯孝恭著方面之功聲名甚盛及卒太宗素服舉哀哭之甚慟贈司空揚州都督陪塋獻陵謚曰元配享高祖廟庭

楊弘禮爲兵部侍郎專典兵機之務太宗征遼弘禮入參謀議出則統衆攻戰駐蹕之陣領馬步二十四軍出其不意以擊之所向摧破太宗自山上見弘禮所統之衆人皆盡力殺獲居多甚壯之謂許敬宗等曰越公兒郎故有家風矣高祖嗣位詔以長孫無忌配享太宗廟庭

李勣爲司空初貞觀中太宗以勣勳庸特著嘗圖其像於凌煙閣至是高宗又命寫形焉仍親爲之序勣嘗侍從墜馬帝親問以所乘馬賜之後勣寢疾詔以勣弟晉州刺史弼爲司衛正卿使得視疾尋薨帝爲

之舉哀輟視朝七日謚曰貞武給東園祕器陪塋昭陵令司平太嘗伯揚昉攝司員正卿監護及塋帝幸未央故城登樓臨送望柳車慟哭并爲設祭皇太子亦從駕臨送哀慟悲感左右詔百官送至故城西所築二墳一准衛霍故事象陰山鐵山及烏得鞬山以旌破突厥薛延陀之功

顯慶三年十二月鄂國公尉遲敬德卒許敬宗奏請加贈帝曰敬德功業誰之儔也對曰武德末年二凶搆亂經綸中興之業能致宗廟之安有敬德功當第一太尉無忌曰敬德早從征伐勲庸茂著貞觀之初

特殊殊績比諸將帥超越等倫李靖南定荆吳北平突厥外內之事雖別論其勲効實宜相准帝以爲然爲之舉哀廢朝三日令京官五品已上及朝集使赴哭册贈司徒賜東園祕器陪塋昭陵

儀鳳中司列少嘗伯安撫大食使裴行儉擒僞可汗都之及李遮旬還帝賜宴謂行儉曰卿文武兼資今都授卿二職卽日拜禮部尚書兼簡較右衛大將軍中宗神龍元年十一月襄州刺史漢陽郡王張柬之抗表請辭王位帝不許因下書曰卿履謹尚遜忌盈戒蒲詞旨勤勤請謝王位然懸爵所以勸善申至公

也裂土所以疇庸非徇私也故漢德之盛異姓而王者八人魏祚之隆同功而邑者千戶今卿列爵之貴未越於漢圖食邑之豐纔半於魏制而遠形簡牘一何甚也朕承三代之丕業荷七廟之威靈惟唐據承禎之尊於周保元良之重至於復予休命配天大業雖曆數有歸亦謳誦所繼然狐鼠不掘終貽城社之憂頌兇未夷實負朝廷之懼卿誠亮白日忠勵秋霜懷直道以立身固一心而徇國自三兇構患潛圖不軌惡迹初彰釁萌始露卿之大節義在不虧烈士之首期於必碎及難作宮禁禍生肘腋卿上銜天命外發兵符行正卯之戮旣於兩觀磔蚩尤之屍俄成四冢曾不延畧鬱成大功分壤錫珪固其宜矣行當勉以自愛享此眉壽乘几杖之榮極鄉園之樂崇讓小節念勿爲也

睿宗初卽位下詔曰尚書右僕射同中書門下三品監修國史許國公蘇瓌自周旋近密損益樞機謨猷有成弼贊無忌頃者遺恩顧託先意昭明奸回動搖內外危逼獨申謹議實挫邪謀况藩邸寮屬念殷惟舊無德不報抑惟令典可尚書左僕射
景雲二年冬十月甲辰以吏部尚書劉幽求爲侍中

降璽書曰頃者王室不造中宗厭代內戚專政姦臣擅國將頃社稷幾遷龜鼎朕與王公皆將及於禍難卿見危思奮在變能通邛贊儲君叶和義士殄殲元惡流放凶徒我國家之復存繫茲是賴厥庸甚茂朕用嘉焉故委卿以鈞軸胙卿以茅土然征賦未廣寵錫猶輕昔西漢行封更擇多戶東京朕賞復增大邑故加賜卿實封二百戶兼舊七百戶使夫高岸為谷長河如帶子子孫孫與國無絕又以卿忘軀徇難宜有恩榮故特免十死竝書諸金鐵俾傳之後卿其保茲功業永作國禎可不美歟

太極元年四月詔曰朕聞御宸極握靈圖為天下之尊居域中之大者上以奉宗廟下以育黎元迹宜彰於簡編事湏聞於朝野朕高宗小子特蒙慈愛顧復之至禮絕諸王運屬上僊遭家難未嗣歷中宗出藩大聖天后臨朝以權立朕為嗣朕自惟虛薄固讓中宗誠願上從用寧社稷比居藩邸深嘉清閑不意景龍之間先帝暴棄天下凶族潛計謀覆邦家高祖之業幾墜于地皇太子隆其忠孝天威仗義行誅一夕之間戡定禍難朕當宿夕初不聞知及見事平且悲且慰方與四海同奉嗣君子溫王幼冲頻屬艱疚因

發警悸日夜啼號因以先聖立朕為太弟之意令鎮國太平長公主諫議大夫薛稷等奉承先旨朕固誠請至於再三乃使中書舍人蘇頌奉表陳乞襄王便不肯視事避於別宮中外皇皇莫知所向隆基鎮國太平長公主成器範業薛稷劉幽求麻嗣宗等以為宗廟不可無主萬機不可暫曠且從人望因定策禁中朕又固辭命薛卿士得蕭至忠崔湜韋嗣立趙彥昭麻嗣宗薛微鄭萬均唐峻等同嗣勸進以為幼主之心既不可奪先聖之旨固不可違事不獲已乃順眾望要盟之言其文猶在朕慕承洪業于今三年謂宗廟郊天大禮斯備永惟所以獲奉宗禋臨兆人者蓋非朕之本心實乃鎮國太平長公主皇太子諸上郡公之意也雖顛顛之誠四海同望然因此致力在此數人已依西漢舊章各酬其德董狐執筆闕而未書宜勅左右編于史冊

玄宗先天元年封魏知古為梁國公初竇懷貞等將謀逆也知古獨密奏其事及懷貞誅賜實封二百戶物五百段仍以前賞猶薄又手勅曰魏知古去年七月已前屢申啟沃每竭忠誠姦臣有謀先奏其兆事君之忠良可嘉嘆可更賜實封一百戶

開元二年六月丁卯北庭大都護瀚海軍使阿史那
獻臬都擔首獻于闐下并擒其孥及胡祿等部落五
萬餘帳內屬帝降書謂獻曰十姓部落比多款附蕞
爾都擔敢為背誕以卿忠果令其討伐遂斬首喪元
并兄及妻兼復胡祿屋闕等五萬餘帳壺獎塞陌
職負而來自非信著遠蕃何以翁然至此邊陲寧謐
緊卿是賴雖鄭吉之護南道班超之臨西域無以過
焉言念勤勞豈忘鑒寐

是年又詔曰疇庸賞善百王攸先追遠飾終千載同
德固尚書左丞相太子少傅贈司空荊州大都督許

國文貞公蘇瓌履正體道方外直內悉心奉上卑身
率禮叶贊帷幄三朝有鹽梅之任變諧台袞九命為
社稷之臣先朝晏駕豐起宮掖國擅稱制之姦人懷
綴旒之懼凶威孔熾宗祀幾傾顧命遺恩太皇輔政
逆臣刊削韋氏臨朝遂能首發昌言侃然正色列諸
視聽暴於朝野松楸已遠風烈猶存緬懷誠節良浮
耿嘆可賜實封一百戶

至四年命與徐國公
幽求配享睿宗廟庭

二年二月郭虔瓘為北庭都護累破吐蕃及突厥默
啜斬獲不可勝計以其俘來獻玄宗置酒勞之及將
士等竝賜帛手詔謂曰默啜殘兇屈強邊徼吐蕃小

醜孤負聖恩我國家豫在懷柔未遑吊伐而乃敢肆
蜂蠆屢犯疆陲虔瓘心蘊六奇折衝千里追奔邁於
三搜受降逾於萬計建功若此朕實嘉之

六年六月丁亥詔曰凡有功者銘書於王之太嘗祭
於大烝司勳詔之允所謂疇庸紀勞頌賞旌善藏于
天府享于廟庭臣哉隣哉其道光也故尚書左僕射
太子少傅贈司空荊州大都督許文貞公瓌開邪存
誠允迺厥德故尚書右丞相太子少保郴州刺史徐
國公幽求聞義盡節克茂乃勲竝儀邢羣后左右厥
辟直道罔缺危言孔臧景雲末年邦國多難愷悌君

子服勞王家或親受顧託以安劉氏或潛圖翼贊願
奉唐侯纘乃舊服協于先契弘濟弱亮厥猷茂焉俾
台小子嗣宇文武之業獲奉宗廟之靈實資元輔是
敷未命茲予大享於先王爾祖其從祀以配我有唐
之休烈竝可配享睿宗大聖真皇帝廟庭又詔曰皇
輿肇建必有輔佐之臣天步艱難爰仗經綸之業故
侍中譙國公桓彥範故侍中平陽郡公敬暉故中書
令兼吏部尚書漢陽郡公張柬之故特進博陵文貞
公崔玄暉故中書令南陽郡公袁恕已等竝德惟神
降材與運生道叶台嶽名書識緯寅亮帝載勤勞王

家參復禹之嘉謀奉昇唐之景命雖徂謝已久而勳烈益彰撫彝鼎以念功想旂嘗而增感緬遵故實用表徽懿俾列在清廟登于明堂克申從祀之儀式茂疇庸之典竝可配享中宗孝和皇帝廟庭

十年十一月景申朔方軍節度大使兵部尚書信安郡王禕破突厥凱旋引將士等見帝置酒享之勅曰禕摠戎朔陞經畧萬里賦軍籍馬精卒銳兵自其有虞莫不素練而醜虜背誕偏師致誅謀若有神取如俯拾雖廟畧之云遠亦將士之力焉威武載揚頑凶且攝窮寇覆巢以奔北羣師掉鞅而來歸因其凱旋聊加宴樂各宜坐飲相與盡歡

十二年隴右節度使鄯州都督王君奭破吐蕃來獻戎捷帝置酒于內殿享之謂曰卿能振國威恢邊破敵誠節旣著俘獲又多疇庸策勲已有處士等竝宜飲燕兼有賜物各宜領取

十七年三月瓜州刺史墨離軍使張守珪沙州刺史賈順文大破吐蕃帝降書謂守珪曰吐蕃小寇干我邊鄙頻經喪卹竟不悛懲卿等早懷勇烈久司戎旅各效忠誠暗申計略遠聞決勝加慰良深守珪及思順竝宜賜紫其立功人叙錄具狀奏聞必要據實勿

使踰濫今內出緋紫袍卿等領取量功分賞其被傷人仍給醫藥使得安全陣亡人具名錄奏當加優贈天寶六載正月南郊禮畢詔太廟配享功臣高祖室太加裴寂劉文靜太宗室加長孫無忌李靖杜如晦高宗室加褚遂良高季輔劉仁軌中宗室加狄仁傑魏元忠王同皎文武之道既惟並用宗敬之儀不可獨闕

肅宗至德二年十月郭子儀既復東都加司徒封代國公實封一千戶尋來朝兵仗迎于灊上帝見之曰雖吾家國實卿再造之子儀頓首謝恩加中書令

乾元二年二月丁未郭子儀破逆賊執其將車昂獻俘于朝徇于東西兩市而斬之御製郭子儀李光弼苗晉卿李麟李輔國考詞

代宗寶應元年五月丁酉詔文武官應在凌霄門內謁見者并飛龍射生等並宜加寶應功臣七月乙巳射生使李惟誥藥子昂步軍使彭體盈張知節並賜名寶應功臣八月壬戌殿中少監專知尚食李恕宜賜為寶應功臣

二年七月上尊號大赦河北副元帥懷恩河東副元帥光弼幽州節度懷僊李抱玉郭英乂辛雲京侯希

逸田神功孫志直白孝德令狐彰李寶臣薛嵩田承嗣張獻誠魚朝恩程元振僕固瑒高彥崇渾日進李建義李光逸楊崇光李懷光張如嶽白元光溫如雅拓跋澄泌高暉盧欽友成惟良曹楚玉等各賜鐵券以名藏太廟畫畫像於凌煙之閣并寇難已來將相勲業多者其名籍圖書亦准此

唐德元年吐蕃陷京師乘輿東幸郭子儀至吐蕃乃退代宗還京師見子儀曰用卿不早遂及於是乃賜鐵券圖形凌煙閣

德宗建中元年十二月丁酉令詳定國初已來將相功臣名跡崇高功效明著者爲二等總一百八十七人武德已來宰相以房玄齡杜如晦蕭瑀高士廉魏徵王珪戴胄岑文本馬周劉洎褚遂良于志寧張行成高季輔韓瑗來濟張文瓘郝處俊李義琰裴炎蘇良嗣狄仁傑婁師德王方慶王及善魏元忠姚崇朱敬則蘇瓌宋璟魏知古陸象先蘇頌張嘉貞李元絃韓休張九齡三十七人爲上等竇威陳叔達等四十一人爲次等功臣以裴寂劉文静長孫無忌河間孝王恭李勣尉遲敬德屈突通殷開山劉弘長孫順德唐儉柴紹段志玄劉政會張公瑾程知節秦叔寶虞世

南李傑張柬之崔玄暉桓彥範袁恕已張仁愿敬暉
劉幽求崔日用郭元振張說王珣王俊三十四人爲
上等淮安王神通等五十人爲次等至德已來將相
旣歿者以裴冕房瑄杜鴻漸李嗣業劉正臣顏杲卿
袁履謙張巡許遠盧奕南霁雲十一人爲上等李光
弼等十五人爲次等
二年十二月詔曰忠臣之事君也願隳家以奉國良
將之養士也或均材以周惠爰自古昔其儔益鮮故
竇嬰陳金於廟廡趙奢散財於部曲皆受之天府不
取私門猶能垂名史冊遺芳千載而况執上將之節
鼓率先登之士卒將行命賞罄乃家財上以彰國
之誠下以竭奉公之効不有褒美勸旗忠賢河東節
度使馬燧誠美夙著宏略載宣克揚經武之規實重
安人之寄屬河朔于紀礪邢當寇而能終義奮發奉
辭問罪出師之際宣布明誠誓將貲產分給戰士故
得三軍之衆相與感激百勝之績於茲競勸朕當遂
其懇懷以成厥美殊嘗之跡古人所難舉而行之用
明信賞仍班王府之儀式表忠臣之節宜令度支出
錢充給將士其馬燧家資竝却還之

興元元年四月帝在梁州詔諸軍從奉天隨從將士

竝賜爲元從奉天定難功臣從穀口已來隨從將士賜名元從功臣

六月副元帥李晟討朱泚既收復京城以露布聞帝覽之感泣百官皆出涕因上壽稱萬歲曰李晟虔奉聖謨盪滌凶匿然古之樹勳乃復都邑者往往有之至於不驚宗廟不易市肆長安人不識旗鼓安堵如初三代已來未之有也帝笑曰天生李晟爲社稷萬人不可爲朕也百官再拜而退拜晟司徒賜永寧里第及涇陽上田延平之門林園女樂八人晟入所賜永寧里甲第帝令宰相及諸將會送是日特賜京兆府供饌具鼓吹迎導集宴京師以爲榮觀女樂人人及銀綵器等又令太嘗教坊備樂

七月壬午車駕自興元至京師帝旣還宮每間日宴勳臣於麟德殿必親閱酒饌盛陳音樂極歡而罷其所頒賜李晟首之渾瑊次之諸宰相節將又次之所以褒元功示秩序也

九月詔靈州大都督渾瑊入所賜太寧里第特賜女樂五人及錦綵銀器仍令宰臣節將會送有司備樂供饌

貞元二年八月李懷光平詔曰河東保寧等軍節度

并管内諸軍節度副元帥簡較司徒平章事北郡王
燧惟嶽降生鬱爲時傑奉上有匪躬之節訓師懷盡
敵之謀嘉猷屢聞能事畢備朔方河中同降陝虢等
州節度及管内諸軍行營兵馬副元帥侍中咸寧郡
王城堅持不奪之志亟陳必勝之略輯睦士旅崇功
允集惟乃二帥一其誠心奉行天誅同獎王室是加
寵命以答殊勲燧可兼侍中仍與一子五品正員官
并階餘竝如故城可簡較司空仍與一子五品正員
官并階餘竝如故華州潼關鎮國軍節度簡較尙書
右僕射駱元光邠寧慶簡度觀察等使簡較尙書左
僕射韓遊瓌鄜坊丹延等州節度觀察使簡較兵部
尙書唐朝臣等竝節著艱危功成討伐可各賜實封
二百戶仍各與一子六品正員官并五品階餘竝如
故應諸軍同討懷光將士宜共賜三十萬端匹以充
宴賞竝各放歸本道仍令所司叙錄卽超資與改轉
三年三月詔加李晟太尉依前兼中書令四月帝御
宣政殿備禮册拜晟受封訖其羽儀乘輅謁太廟遂
赴上於尙書省帝令中官就省賜晟良馬二匹錦綵
一千疋銀器十餘事并酒脯等以寵之

五年九月西平王李晟與侍中馬燧召見於延英殿

帝嘉其大勲乃詔曰昔我烈祖乘乾坤之盪滌掃隋季之荒屯體元御極作人父母則亦有能罷之士不二心之臣左右經綸參劄締構昭文德恢武功威不若康不义用端命于上帝付畀四方宇宙既清日月既貞王業既成太階既平乃圖厥容列于斯閣懋昭績効表式儀形一以不忘於朝夕一以永垂乎來胤君臣之義厚莫重焉貞元己巳歲秋九月我行西宮瞻宏閣崇構見老臣遺像颯然肅然和敬在色想雲龍之叶應感致業之艱難覩往思今取類非遠且功與時並才爲代生苟蘊其才遇其時尊主庇民何代不有在中宗則桓彥範等著推戴之績在玄宗則劉幽求等申翼奉之勲在肅宗則郭子儀掃殄氛祲今則李晟等保寧朕躬咸宣力肆勤光復宗祏訂之前烈夫豈多謝閉而未錄孰謂旌賢况念功紀德文祖所爲也在予曷其敢怠有司宜叙年代先後各圖其像列於舊臣之次仍令皇太子書於壁庶播嘉庸昭明天下俾後之來者知元勲不朽又書以賜晟刻石於門左於是史官考其功績第其先後以褚遂良蘇定方郝處俊等二十七人充之

憲宗元和初杜黃裳爲相劉闢作亂黃裳堅請討除

及闡平宰臣入賀帝獨目黃裳曰此卿之功也

四年四月制曰天定社稷濟生人存不朽之名垂可
久之業者必報以殊嘗之寵待以親比之恩遺國無
窮時惟茂典故奉天定難功臣太尉兼中書令上柱
國西平郡王食實封一千五百戶贈太師李晟間代
英賢自天忠勇邁濟時之宏算抱經武之長材貫以
丹誠協于一德嘗遭屯難之際實著戡定之功鯨鯢
既殲官廟斯復眷茲勲伐則旣褒榮永元天步之夷
載懷邦保之力是加崇於往烈爰協比於後昆睦以
宗親將予厚意其家宜令編附屬籍

八月詔曰朕聞昔之佐時制物者咸有大功是惟五
官以配五帝自時厥後有國家者莫不以輔弼之奇
社稷之勲名登大蒸陪享清廟苟非茂德孰允盛儀
贈太尉冕望重巖廊時爲貞幹靈武艱阻首贊經綸
宣力股肱平心鼎鈺任戡定之成業推翼戴之嘉猷
贈太師晟識精韜鈴神假雄武建中寇孽躬踐憂虞
垂餌虎狼致威罇俎刷宮廟之塵穢迴日月之光輝
贈太尉秀實氣全剛柔節固金石兇渠僭逆潛蹶根
萌矯命還師衷刃決死紆帖危於怵迫挫狂狡之姦
謀竝材爲時生用當國否感雲龍而應變炳辰象以

降靈光復寰區振揚風槩勲庸藏於盟府寵飾備於前朝光陰不追盛烈如在朕頃因郊祀爰舉典嘗俾差茂勲以配殷祭惟咸有一德允屬乎三臣庶昭示於將來式崇恩於既往冕宜配饗肅宗廟庭晟秀實宜配饗德宗廟庭

馬總元和中爲安南都護以綏蠻功就加金紫

文宗太和元年十一月勅故太尉兼中書令李晟勲業崇高銘在鍾鼎其神道碑宜令所司建立

二年二月丁亥朔太子詹事段伯倫奏亡父驥大尉

秀實准前後勅令所司置廟立碑今營造已畢取本月二十五日行升拊禮詔曰段秀實忠衛宗社功配廟食義風所激千載興起間代勲力須異等夷宜賜綾絹五百匹以度支物充仍令所司供少牢并給鹵簿人夫兼令太嘗博士一人簡較

後唐莊宗同光元年三月詔隨駕收復汴州并扈從到雒及南郊立伏都將已下至節級長行軍將等朕自削平中夏掃蕩羣兇被介冑以征行歷星霜而扈從凡經百戰盡力殊功永念丹心真同赤子若無旌賞豈表恩榮其都將官員司竝賜謀定亂佐國功臣自僕射尚書嘗侍至大夫中丞宜竝賜忠勇拱衛功

臣其初帶銜宜竝賜忠烈功臣已有功臣名者不在
此限其節給長行軍將竝賜扈蹕功臣

十月己卯入汴己亥宴於崇元殿偽將段凝霍彥威
戴思遠王瓚等待酒酣帝以酒屬明宗曰今辰宴客
皆吾前日之勍敵也一旦與吾同筵蓋卿前鋒之効
也偽將等泥首稱謝帝曰吾與總管話舊公輩勿以
為嫌因賜服玩撫慰之

郭崇韜自莊宗嗣位為中門使從擒王彥韋誅梁氏
降段凝皆崇韜贊成其功也莊宗至汴州宰相豆盧
革在魏州令崇韜權行中書事俄拜侍中兼樞密使
及郊禮畢以崇韜兼領鎮冀節度使進封郡公邑二
千戶賜鐵券恕十死

周德威同光初追贈太師大或中詔與李嗣昭符存
審配饗莊宗廟庭

朱友謙自梁歸順破梁軍加守太尉西平王同光初
莊宗滅梁友謙觀於維陽莊宗置宴饗勞寵錫無算
親酌觴屬友謙曰成吾大業者公之力也

符彥超同光末赴北京巡簡先是朝廷令內官二人
在太原一監兵一監倉庫及明宗入維皇弟存霸並
騎奔河東與內官謀殺彥超與畱守張憲彥超覺之

密與憲謀未決部下大譟州兵畢集張憲出奔是夕
軍士殺內官存霸於衙城詰旦聞雒城禍變彥超告
諭三軍明宗又令其弟龍武都尉侯彥卿馳騎安撫
後彥超入覲明宗召見撫諭授晉州留後未行會其
弟前曹州刺史彥饒平宣武亂軍明宗喜召彥超謂
之曰吾得爾兄弟力餘更何憂爾為我往河東撫育
耆舊卽授北京留守太原尹

明宗天成四年三月辛巳王晏球至自定州帝曰中
山恃逆勞卿攻討今已掃盪兼收鮮卑中興已來未
有立功如卿者晏球曰臣謬主兵權不能尋振皇威

又煩饋運上賴睿算薄有所成失律是懼臣有為功
命樂舉酒錫賚殊異移授天平軍節度

晉高祖天福三年正月乙丑西京留守李周奏乞正
鄉名里號勅李周位列藩宣秩居台輔忠能佐國孝
以成家今貢表章請改鄉里旣久符於舊典當普示
於新恩宜賜俞允兼諸道應帶平章事已上竝准唐
長興二年正月十五日勅命施行

周世宗顯德四年七月巳丑賜宰臣李穀親征圖一
面其文翰林學士承旨陶穀之所撰也

按時穀臥疾未愈遂詔宰臣范質王溥就第以問之
穀因土章陳親征之利者三後城拔而以表示陶

穀且臣之事君不當有隱觀李穀奏
忠誠可嘉爾為贊述以勸來者因言是贊

冊府元龜

淮南李嗣京參閱

西極文翔鳳訂正

豫章黃國琦較釋

帝王部 一百三十四

念功

夫八辟麗法周官之明訓十世猶宥左氏之格言是
知帝王存忘過之德恢包荒之念度基業之綿構知
臣下之勤勞莫不疏以大封廢之好爵其或罹乎憲
網屬諸吏議而能追其舊績錄功恕罪責其後効屈

法申恩所以使忠者竭誠而勲臣兢勸也若乃子孫
席其舊德朝廷命以世封或自貽伊戚或坐招官謗
而復念勲代之後哀門戶所寄或全其嗣息或復其
邑封茲義士所以忘死而賢人所以發憤也

漢宣帝甘露中丙吉子嗣博陽侯顯有罪削爵為關

內侯元帝時長安士伍尊上書先嘗有罪經奪免之而與士卒為伍故稱

士伍其人名尊言臣少時為郡小吏竊見孝武皇帝曾孫遭

離無辜吉仁心感動涕泣悽惻選擇復作胡繻養視

皇孫吉常從臣尊日再侍臥庭上郡邸之庭也侍謂

孤常在此禮稱後遭修獄之詔吉扞拒太難不避嚴

刑峻法既遭大赦吉謂守丞誰如皇孫不當在官守

者守獄官之丞誰知其姓名也謂誰如移書京兆尹

遣與胡組俱送京兆尹不受復還及組日滿當去皇

孫思慕吉以私錢顧組令畱與郭徵卿並養數月乃

遣組去後少內嗇夫白吉曰食皇孫亡詔令少內掖

歲之官也詔令無時吉得食米肉月以給皇孫吉郎

時病有病輒使臣尊朝夕請問皇孫視省席蓐燥濕

候伺組徵卿不得令晨夜去皇孫放盪去離也放游

數奏其毳食物奏進也毳所以擁全神靈成育聖躬

功德已亡量矣時豈豫知天下之福而徼其報哉徼

也誠其仁恩內結於心也雖介之推割肌以存君不

足以比晉公子重耳之亡也里鳧須從因益其資而逃重耳無糧饋不能行介子推割其股肉以

食重耳乃能行也孝宣皇帝時臣上書言狀幸得下吉吉謙

讓不敢自伐刪去臣辭專歸美於組徵卿文皆以受

田宅賜錢吉封為博陽侯臣等不得比組徵卿臣年

老居貧死在旦暮欲終不言恐使有功不著吉子顯

坐徵文奪爵為關內侯臣愚以為宜復其爵邑以報

先人功德先是顯為太僕十餘年與官屬大為姦利

贓千餘萬司隸較尉昌案劾罪至不道奏請逮捕帝

曰故丞相吉後有舊恩朕不忍絕免顯官奪邑四百

戶復後以為城門較尉

後漢光武建武十五年南郡太守劉隆坐懇田不實

徵下獄其疇輩十餘人皆死帝以隆功臣特免為庶

人

張純高祖父安世宣帝時封富平侯純少襲爵光武

初先來詣闕故得復封後為五官中郎將有司奏列

侯非宗室不宜復國光武曰張純宿衛十有餘年其

勿廢更封武始侯食富平之半武始縣屬魏郡富平縣屬平原郡也

朱浮初從光武為大司馬主簿遷偏將軍破邯鄲為

大將軍討定北邊建武二年復封浮為新息侯帝以

浮陵轢同列每銜之惜其功能不忍加罪

魏文帝爲魏王時賈逵爲丞相王簿祭酒嘗坐人爲罪王曰叔向猶十世宥之况逵功德親在其身乎一無所問

明帝卽位時驃騎將軍野在侯曹洪旣免官削爵土洪先帝功臣時人多爲缺望帝拜爲將軍更封樂城侯邑千戶位特進復拜驃騎將軍

丁謐父斐從太祖爲典軍較尉摠攝內外謐少不肯交游但博觀書傳爲人沈毅頗有才畧明帝太和中嘗家鄴借人空屋居其中而諸王亦欲借之不知謐

已得直開門入謐望見王交脚臥而起而呼其僕曰此何等人呵使去王怒其無禮還具上言明帝取以繫鄴獄以其功臣子原出後帝聞其有父風召拜度支郎中

齊王正始中夏侯霸爲討蜀護軍右將軍封博昌亭侯霸素爲曹爽所厚聞爽誅自疑亡入蜀以父淵舊勲赦霸子徙樂浪郡陳留王

景元五年春鍾會爲鎮西將軍伐蜀謀反誅其兄毓以四年冬先薨會竟未知聞會兄子邕隨會亦與俱死會所養兄子毅及峻迪勅連切等下獄當伏誅司馬

文王表天子下詔曰峻等祖父繇三祖之世極位台
 司佐命立勲配饗廟庭父毓歷職內外幹事有績昔
 楚忍子文之治不滅闔氏之祀晉錄成宣之忠用存
 趙氏之後以會邕之罪而絕繇毓之類吾有愍然峻
 迪兄弟特原有官爵者如故惟毅及邕息伏法

晉武帝泰始九年詔曰鄧艾有功勲受罪不逃刑而
 子孫為氓隸朕常愍之其以嫡孫朗為郎中

穆帝升平三年下詔復征虜將軍州陵縣侯毛寶本
 封寶守邾城石季龍將攻邾城城陷赴江溺死詔曰

寶之傾敗宜在貶戮蘇峻之難致力王室今咎其過
 故不加贈祭之可也其後公卿言寶有重勲加死王
 事不宜奪爵故復本封

安帝隆安初虞嘯父為吳國內史徵補尚書未發而
 王廞舉兵叛以嘯父行吳興太守嘯父即入吳興應
 廞廞敗有司奏嘯父與廞同謀罪應斬詔以嘯父祖
 潭舊勲聽以侯贖為庶人

以起義軍討沈充功封零陵縣侯又以前後功進爵

武昌縣侯嘯父嗣侯

桓茂遠荆州刺史冲孫也為中書令玄篡位為吏部
 尚書隨玄西奔玄死歸降孝武詔曰夫善著則祚遠
 勲彰故事殊以宣孟之忠蒙後晉國子文之德世嗣

獲存故太尉冲昔藩陝西忠誠王室諸子染凶自貽
罪戮念冲遺勤用悽于懷其孫宜見矜宥以獎為善
可特全生命徙于新安

後魏道武以庾岳為將以功至司空岳兄子路有罪
諸父兄弟悉誅特赦岳父子

叔孫建少以智勇著稱道武之幸賀蘭部建嘗從左
右參軍國之謀後為并州刺史以公事免守鄴城園
明元卽位念建前功乃以建為正直將軍相州刺史
來大千代人也父初真從道武避難北候山參翊業
之功官至後將軍武原侯與在八議

穆崇代人也道武之居獨孤部崇嘗往來奉給後嗣
顯之謀逆也崇來告難太祖馳如賀蘭部太祖李公
窟咄之難崇甥于桓執太祖以應之告崇崇乃夜告
道武道武誅桓等崇甚見寵待從平中原後為太尉
衛王儀謀逆崇豫焉道武惜其功而秘之

屈拔右僕射垣孫也 垣字長生垣以破平涼功賜爵濟北

公太武信任之委以大政拔襲祖爵太武追思其祖
年四十為南部大人特太武南伐擒宋將胡盛之以
付拔酒醉不覺盛之逃去太武大怒命斬之將伏鑕
太武愴然曰若鬼而有知長生問其子孫朕何以應

之乃赦拔免為中散大夫

文成時穆頭為征西大將軍都督諸軍西征吐谷渾坐擊賊不進免官爵徙邊帝又以頭著勲前朝徵為內都大官

薛真度為護南蠻較尉平南將軍文成時齊雍州刺史曹虎許降詔真度督四將出襄陽無功而還後征赭陽為房伯玉所敗有司奏免官爵高祖詔曰真度之罪誠如所奏但頃與安都送款彭方開關徐宋外捍沈攸道成之師內寧邊境烏合之衆淮海來服功頗在茲言念厥績每用嘉美赭陽之敗何足計也宜

異羣將更申後効可還其元勲之爵復除荊州刺史自餘徽號削奪進足彰忠退可明失尋除假節冠軍將軍

獻文時劉尼為司徒皇興四年車駕北征帝親誓衆而尼昏醉兵陣不整帝以其功重特恕之免官而已長孫觀獻文時襲祖爵上黨王時異姓諸王襲爵多降為公帝以其祖道生佐命先朝故特不降

孝文時穆羆為虎牢鎮將頻以不法致罪以其勲德之冑讓而赦之

羆太尉崇之後也

元麗為魏衛將軍時秦州屠各王法智與王簿各狗

見爲亂麗討平之麗因平賊之勢枉掠良善七百餘人宣武嘉其功詔有司不聽追簡

劉藻文成時爲征虜將軍頻破賊軍後與高聰等戰敗俱徙平州景明初宣武追錄舊功以藻爲太尉司馬

楊大眼爲平東將軍與中山王英同圍鍾離大眼軍城東守淮橋屬水汎長大眼所綰統軍劉神符公孫祉兩軍夜中爭橋奔退大眼不能禁相尋而走坐徙爲營州兵永平中宣武追其前勲起爲試守中山內

史

裴植爲大鴻臚卿後以長子昕南叛有司處之大辟宣武詔曰植闔門歸款子昕愚昧爲人誘陷雖刑書有嘗理宜矜恤可特恕其罪以表勲誠

孝莊帝卽位詔復盧同本秩先是同爲撫軍大將軍元義之廢靈太后同爲義所親營州城民就德興反同持節慰勞安輯其民而還靈太后反政以同義黨除名及帝踐阼詔復本秩除都官尚書復兼七兵以同前慰勞德興之功封章武縣開國伯食邑四百戶隋文帝摠百揆以鄭譯司摠六府事譯性姦險不親職務而贓貨狼籍帝陰疎之然以其有定策功不忍

廢放陰勅官屬不得白事於譯獨坐廳事無所關預
譯懼頓首求解職帝寬諭之接以恩禮

于顛初仕周爲東廣州刺史與摠管趙文表不協抽
刀砍殺文表誣其通謀於尉遲迥及文帝受禪文表
弟詣闕稱兄無罪帝令按其事太傅竇熾等議顛當
死帝以門著勲績特原之仍爲開府

宇文愷忻之弟也文帝爲丞相加上開府中大夫及
踐阼誅宇文氏愷初殺中以與周本別兄忻有功於
國使人馳赦之僅而得免

張威開皇中爲青州摠管在州頗治產業侵擾百姓
坐廢於家後從文帝祠太山至雒陽帝謂威曰自朕
之有天下每委公以重鎮可謂推赤心矣何乃不修
各行惟利是視豈直孤負朕心亦且累卿名德因問
威曰公所執笏今安在威頓首曰臣負罪虧憲無顏
復執謹藏於家帝曰可持來威明日奉笏以見帝曰
雖不遵法度功效實多朕不忘之今還公笏於是復
拜雒州刺史

權武文帝時爲潭州摠管晚生一子與客宴集酒酣
遂擅赦所部內獄囚武以南越邊遠治從其俗務適
便宜不依律令而每言當今法急官不可爲帝令有

司案其事驗帝大怒命斬之武於獄中上書言其父為武元皇帝戰於馬前以此求哀繇是除名為民

虞慶則為右僕射時突厥將內附使慶則充使安撫

文帝勅之曰我欲存立突厥彼送公馬但取三五匹

攝圖見慶則贈馬千匹又以女妻之帝以慶則勲高

皆無所問攝圖突厥主也

唐高祖武德二年三月羣臣曰義兵初至河東唯孫

華先至此之誠効不可忘也華不幸早終每用傷嘆

其下將帥宜更優之是日封華部將十人為開國侯

華先已贈市衛人將軍

太宗時李靖為定襄道行軍總管擒突厥頡利可汗

御史大夫溫彥博害其功諧靖軍無綱紀致令虜中

奇寶散於亂兵之手帝大加責讓靖頓首謝久之帝

謂曰隋將史萬歲破達頭可汗有功不賞以罪致戮

朕則不然當赦公之罪錄公之勲詔加左光祿大夫

賜絹千疋真食邑通前五百戶未幾帝謂靖曰前有

人讒公今朕意已悟公勿以為懷賜帛二千疋拜尚

書左僕射

丘行恭為右武侯大將軍性嚴酷所在同列皆懾憚

之數坐事解免太宗每思其功不踰時月復其官

李德譽爲將作少監衛國公靖之長子庶人承乾之廢也德譽與之交通流嶺南後太宗以靖故改徙蘇州

杜楚客爲工部尚書攝魏王泰府事所在以威肅聞楚客知太宗不悅承乾遂潛圖交構朝貴用事者至有懷金以賂之因說魏王聰明可爲嫡嗣人或以聞奏太宗隱而不言至是彙發太宗始揚其事仍以兄有佐命之功免死廢爲庶人尋授處州奉化縣令江夏王道宗從太宗征遼攻安市城不克道宗爲憲司所劾太宗曰道宗之愆理在殊死然擊破蓋牟遼東二城并新城南戰竝有勲績以彼之功補此之過不可加戮也特宜捨之

高宗永徽三年十月弓月道行軍總管梁建方副總管高德逸爲御史所劾建方兵衆足以追討而逗畱不進德逸乃令帝馬自取駿者帝以建方有破處密之功釋而不問大理卿李道裕奏言德逸所取之馬筋力異嘗請實中廐帝謂侍臣曰建方出總戎麾嘗悞不進德逸違法取馬自有刑名就中不和俱令深責朕以出師命將務在軍功凱旋之際便加黜免情所不忍所以特令宥之道裕法官職在決斷進馬之

册府元龜 念功 卷之三百三十四
事非其所司請以馬送北門妄希我意深乖法官之體豈朕行事不爲羣下所知邪朕今日咎未能卽黜道裕

龍朔元年冬十月辛未狩於南山布圍大順府果毅王萬興以輒先促圍集衆欲斬之帝謂侍臣曰軍令有犯罪在不赦但恐外人謂我翫好畋獵輕斷人命又以其曾從征遼有功特令放免

薛仁貴爲邏逤道行軍大總管爲吐蕃所敗坐除名尋而高麗餘衆相率復叛詔仁貴爲雞林道總管以經畧之上元中坐事徙象州赦歸高宗思其功尋復

召見謂曰往九成宮遭水無卿已爲魚矣卿又北伐九姓東擊高麗漠北遼東咸遵聲教者竝卿之力也卿雖有過豈可相忘有人言卿烏海城下故不擊賊致使失利朕所恨之唯此事耳今西邊不靜瓜沙路絕卿豈可高枕鄉邑不爲朕指撝邪於是起授瓜州長史

玄宗先天初劉幽求爲右僕射以太平公主將謀逆亂乃與右羽林郎將軍張暉請以羽林兵誅之暉洩其謀睿宗下幽求等詔獄乃流幽求于封州歲餘太平公主等伏誅其日詔徵復官爵曰劉幽求風雲感

玄川嶽萃靈學綜九流文窮三變義以臨事精能貫
日忠以成謀用若投水茂勲立艱難之際嘉話盈啓
沃之初存謙且以不圖爲姦邪之所忌夔夔頗露譖
端潛發元宰見逐讒人孔多旣歿羣凶方宣大化期
問政於經始載登賢於夢卜可依舊金紫光祿大夫
守尚書右僕射知軍國重事監修國史上柱國

開元七年崔日用爲嘗州刺史羗降田賦特下制曰
唐元之際逆黨構兇崔日用當時潛論其事及于戲
剪實豫元謀功旣居多不宜減封是年轉并州長史
十年三月制曰漳州懷恩縣尉員外置鍾紹京夙負

藝能早申誠節錄其殊効賜以崇班未荅恩私自擢
瑕累雷雨作解品物惟新言念舊勞稍加甄叙可柳
州別駕

肅宗至德二年九月河東兵馬節度馬承光奉詔發
河東兵馬屯於渭北而馮翊太守王鳳佚執異見沮
軍不發承光斬之詔責不上聞使使効之有上言稱
承光有大功賊陷潼關承光收河東逆賊崔乾祐攻
安邑承光引兵收陝郡解安邑圍走崔乾祐皆承光
之功合得免死帝優詔免之

代宗廣德元年十二月宦官程元振先得罪放歸田

里潛請京師館于所昵司農卿陳景銓之第將圖進
取京兆府擒獲以聞

二年春正月御史臺以元振獄狀聞元振配秦州百
姓景銓貶爲新州新興縣尉同正元振旣行帝念其
舊勲矜以遐裔特恩許江陵府安置

德宗建中三年五月壬午詔曰故尚父子儀有大勲
力保乂于皇家嘗以山河爲誓琢之金石其可忘也
家前時與人爲市以子儀歿後或被誣搆欲論奪之
有司無得爲理子儀旣薨其女壻太僕卿趙縱少府
少監李洞有光祿少卿王宰貶官相屬其子曖所尚

昇平公主又以坐事幽於南宮曖亦絕其出入郭氏
大震恐姦人幸其危懼多論取奪其田宅奴婢郭氏
懼不敢與爭帝聞故有是詔

是年徐帥李洧卒高承宗久爲洧將軍人悅之請以
爲帥洧弟淡先爲團練副使頗凶險耻居承宗下乃
密使人言於李納請分兵擊徐州淡居中爲應其使
路出於滕因令說滕將翟濟同叛濟表奏之詔以濟
兼沂州刺史召淡至京師以其兄洧有功特赦不罪
興元元年十月中書門下奏李晟巡邊欲至涇州田
希鑒潛伏兵馬謀害統帥李晟察其姦計今以伏辜

原其情狀合坐宗族頃以朱泚窮蹙奔竄涇原希鑒去逆歸順閉門不納恐須錄其前効特全後嗣其妻王氏并男太子通事舍人華左金吾倉曹參軍葦折衝芮折衝萱等并請免死差綱遞送嶺南分付杜佑令配諸州從之

貞元元年八月己卯詔曰朕聞自昔哲王以道化下不竭物以充欲不勞人以樹威億兆之心戴若父母兵革不試四方來同苟昧於德緩務以力勝士旅疲耗蒸黎困窮幸以成功豈云有補李懷光出自戎伍頗著忠勞拔於等倫授以旄鉞誓師河朔奔難奉天

秉心匪彛自底不類怙衆貪亂附姦脇君朕用再遷幾危宗社洎朕肱宣力賊泚就誅率土之人感懷奮擊朕獨排羣議未忍加兵復其官封志期全貸昏迷不反悖慢逾彰殘害使臣侵敗王畧上帝悔禍元臣叶謀克集茂勲以夷大難良以誠信未著撫御失宜至使功臣陷於誅戮謂之寇敵能不愧心然以懷光一家在法無捨念其昔居將相嘗寄腹心罪雖挂於刑書功已藏於王府以干紀之跡固合滅身以赴難之身所宜有後務從寬宥俾洽幽明宜以懷光男一人爲嗣賜庄宅各一所仍還懷光首及屍任其收葬

其懷光妻子孫在室女等并迺送澧州委李臯逐便安置使得存立其出嫁女及諸親戚等並宜釋放

是月華州節度駱元光專殺徐庭光元光累有功慮諫官論其專殺先令宰相諭諫官勿論

三年十一月癸亥以神策軍大將軍莫仁擢爲左驍衛上將軍丁卯以河東兵馬使兼御史大夫張元芝爲神策軍大將軍己巳詔奉天定難功臣左神策將軍兼御史大夫武陵郡王孟日華於洪州安置仍賜絹百匹充家口路糧至彼委本道都團練使給十人衣糧以時存問初仁擢出官日華自謂代之旣授張

元芝日華忿於衆曰吾於國有功且又次當遷今以大將軍授元芝吾寧貶黜不能事也朝廷用人失序何以致理夫詬拂衣而出監軍竇文場大怒列狀請誅帝念其功故但黜謫之

七年十月詔曰郭晞勇剛在法叛亡己上道者斬父母妻子皆有連坐朕以先尚父翼載肆勤安固邦國不忍以子忘其先勞今竝原之俾復其位其諸不坐皆釋放初綱之走吐蕃吐蕃疑之不納置於河俄公流以歸杜希全得之以聞召至京是日賜自盡

穆宗長慶二年十二月勅贈工部尚書田頴夙彰忠

勇累効勳勤方議獎能遽聞棄代永言嗟悼須有優
矜宜賜絹布一百五十疋端度支逐便支給仍令所
在州縣傳遞送至許州委李光顏官給葬事其男克
素待過卒哭亦委本道量與軍中職事收管驅使顏
前爲李光顏部將淮西之役累有勝捷其後王師征
討顏常在戰陣以忠勇著聞及汴州平策勳拜宋州
刺史人皆謂顏宜受方任會以疾卒

敬宗寶曆二年正月御史臺奏右贊善大夫李方現
把笏擊損內園品官李重實款狀明具勅李方現不
自謹身有此喧競假如品官凌忽只合具實奏聞輒

肆狂疎恣行毆擊傷人見血理在難容但以父有勤
勞身叨宗屬特從輕典粗以繩違宜量罰兩月俸

文宗太和四年前豐州刺史充天德軍使渾鐵坐賊

七年千餘貫貶袁州司馬帝以咸寧王勳烈特異故

特命有司俯從輕文

至五年春以鐵守袁王傳賜紫
金魚袋以父太師忠勳故也

五年春盧龍軍節度觀察等使李載義爲其部下楊
志誠所逐因入覲帝以載義有平滄景之功又能恭
順朝旨冊拜太保同平章事其年改山南西道節度
觀察等使兼興元尹

後唐明宗長興四年八月顧謂侍臣曰前洋帥陳皐

稱病其乞致仕信乎對曰實然帝因愴然改容良久曰陳臯昔為健兒從吾征伐操戈擐甲氣吞豺狼今衰落如此浮生壯健都幾何時哉咄嗟久之因令孟漢瓊往勞問

王思同當明宗朝伐蜀之役為先鋒指揮使思同恃勇先入劔門大軍未相繼復為董璋兵逐出之及班師思同以曾獲劔門之功移鎮山南西道

冊府元龜

冊府元龜

淮南李嗣京叅闕

西極文翔鳳訂正

豫章黃國琦較釋

帝王部 一百三十五

愍征役 好邊功

愍征役

昔軒轅氏撫萬民度四方天下有不順者從而征之則征役之興有自來矣然而王者致治貴於無為聖人用兵蓋不得已一夫不獲則曰時予之辜一物失

所則若納之於隍况乎蒙霜露冒鋒鏑行有攻戰之苦居有徃戍之勤而可不懲之者哉是以歷代帝王下蠲復之詔降賑給之命存者待以爵賞沒者歛以衣衾故曰悅以使民民忘其死君子之於人序其情而閔其勞詩之東山所繇作也今之紀者非唯乘塞守邊飛芻輓粟之謂凡干力役第而次之

周文王為西伯時西有昆夷之患北有獫狁之難以殷王之命其屬為將帥將戍役禦西戎及北狄之難以守衛中國故歌采薇以遣之詩曰采薇采薇薇亦

柔止柔始生也曰歸曰歸心亦憂止憂心烈烈載饑載渴

我戍未定靡使歸聘

漢高祖為漢王四年八月令軍士不幸死者吏為衣

衾棺歛轉送其家四方歸心焉

八月十一日令士卒從軍死者為槨槨音轄小棺也今謂之槨歸

其縣縣給衣衾棺葬具初為槨槨至縣更給衣及棺備其葬具耳祠以少

牢長吏親葬

九年三月行如雒陽令吏卒從軍至平城及其守城

邑者平城左右諸城能堅守也皆復終身勿事

武帝建元元年秋七月詔曰衛士轉置送迎二萬人

鄭氏曰去故置新常二萬人其省萬人

元光六年冬詔曰夷狄無義所從來久間者匈奴數
寇邊境故遣將撫師古者治兵振旅因遭虜之方入
將吏新會上下未輯代郡將軍敖鴈門將軍廣所任
不肖較尉又背義妄行棄軍而北少吏犯禁用兵之
法不勤不教將帥之過也教令宣明不能盡力士卒
之罪也將軍已下廷尉使理正之而又加法於士卒
二者竝行非仁聖之心朕閱衆庶陷害欲刷耻改行
復奉正義厥路亡繇無繇也其罪鴈門代郡軍士不循
法者

元狩三年減隴西北地上郡戍卒半

宣帝五鳳元年夏赦徒作杜陵者

元帝初元三年六月詔曰惟烝庶之饑寒遠離父母
妻子勞於非業之作衛於不居之宮不急之事故云非業恐非

所以佐陰陽之道也其罷其泉建章宮衛令就農百
官各省費

成帝永始元年七月詔曰將作大匠萬年解萬年也言昌

陵三年可成作治五年中陵司馬殿門內尚未加功

天下虛耗百姓罷勞罷讀日疲客土疏惡取他處土以增高為客土終

不可成朕惟其難怛然傷心惟思也其罷昌陵及故陵

勿徙吏民令天下無有動搖之心

後漢質帝永嘉元年五月詔曰兵役連年死亡流離或支骸不斂或停棺莫收朕甚愍焉昔文王葬枯骨人賴其德今遣使者案行若無家屬及貧無資者隨宜賜卹以慰孤魂

桓帝建和元年四月詔曰比起陵塋彌歷時歲力役既廣徒隸尤勤頃雨澤不沾密雲復散儻或在茲其令徒作陵者減刑咎

魏太祖爲漢丞相以建安七年令曰吾起義兵爲天下除暴亂舊土人民死喪畧盡國中終日行不見所識使吾悽愴傷懷其舉義兵已來將士絕無後者求其親戚以後之授土田官給耕牛置學師以教之爲存者立廟使祀其先人魂而有靈吾百年之後何恨哉

十四年令曰自頃已來軍數征行或遇疫氣吏死士亡不歸家室怨曠百姓流離而仁者豈樂之哉不得已也其令死者家無基業不能自存者縣官勿絕廩長吏存恤撫循以稱吾意

文帝初爲魏王漢延康元年下令曰諸將征伐士卒死亡者或未收斂吾甚哀之其告郡國給槨殯殮送致其家官爲設祭

齊王嗣位詔諸所興作宮室之役皆以遺詔罷之
齊王正始七年八月詔曰吾乃當以十九日親祀而
昨出已見治道得雨當復更治徒棄功夫每念百姓
力少役多夙夜存心道路但當期於通利聞乃搥箠
老小務崇修飾疲困流離以至哀嘆吾豈安乘此而
行致馨德於宗廟邪自今以後明申勅之

高貴鄉公正元二年八月蜀將姜維寇狄道九月姜
維退還詔曰朕以寡德不能式遏寇虐乃令蜀賊陸
梁邊陲洮西之戰至取負敗將士死亡計以千數或
沒命戰場冤魂不反或牽掣虜手流離異域吾深痛
心為之悼心其令所在郡典農及安撫夷二護軍各
命大吏慰其門戶無差賦役一年其力戰死事者皆
如舊科勿有所漏

十一月詔曰往者洮西之戰將吏士民或臨陣戰亡
或沉溺洮水骸骨不収棄於原野吾甚痛之其告征
西安西將軍各令部人於戰處及水次鈎求屍喪収
斂藏埋以慰存亡

晉武帝太康元年五月庚午詔諸士卒年六十罷歸
于家

惠帝永安元年十二月詔曰自頃戎車屢征勞費人

力供御之物皆減三分之一二戶調田租三分減一蠲除苛政愛人務本清通之後當還京師

成帝咸康二年三月旱詔免所旱郡縣役

孝武帝太元四年三月詔凡諸役費自非軍國事要皆宜停省以固時務

後魏孝文延興三年二月太上皇帝至自北討死王事者復其家又詔畿內民從役死事者郡縣為迎喪

給以葬費又詔醴陽被掠之兵有得還者賜絹三十匹南部尚書公孫邃奏為貴賤等級帝稱善

太和六年二月詔曰蕭道成逆亂江淮戎旗頻舉七州之民既有征軍之勞深乖輕徭之義朕甚愍之其

復嘗調三年

八年五月己卯詔賑賜河南七州戍兵

十七年十二月詔隱恤軍士死亡疾病務令優洽

十九年二月南伐齊幸八公山路中雨甚詔去蓋見

軍士病者親急恤之八月詔諸徒兵從征被傷者皆

還本處

宣武正始四年十二月詔兵士征碓石者復租賦一年

孝明熙平元年七月詔兵士鍾離沒落者復一房田

祖三年

二年五月詔曰揚州硤石荆山新淮鄗城兵士戰沒者追給歛財復一房五年若無妻復其家一人二年身被三瘡賞一階雖一瘡而四體廢落者亦同此賞孝莊永安二年二月朔詔諸禁衛之官從戎有功及傷痍者赴選先叙

出帝永熙三年六月詔曰頃年已來天步時阻干戈不戢荆棘斯生或殉節感恩奮不顧命或臨戎對敵赴難如歸身首橫分體骨不歛勲誠靡錄榮贈莫加

將寐矜之良有嗟悼可普告內外咸許言刻若無親
近聽故友陳之尚書簡實隨狀科贈庶慰冤魂少申
惻隱

後周明帝武成元年六月詔曰潁川從我是曰元勳無忘父城實起王業文考屬天地草昧造化權輿拯彼橫流興茲頽運賴英賢盡力文武同心翼贊大功克隆帝業而披堅執銳櫛風沐雨永言疇昔良用憮然至若功成名遂建國剖符予惟休也其有致死王事妻子無歸者朕甚傷之凡是從先王向夏州從來見在及薨亡者並量賜錢帛稱朕意焉

武帝平齊之役見軍士有跣而行者帝親脫鞵以賜

之每宴會將士必自執盃勸酒或手付賜物
建德元年三月詔曰民亦勞止則星動於天作事不
時則石言於國故知爲政欲靜在寧民爲治欲安在
息役興起無度徵發不已加以頻歲師旅農畝廢業
去秋災蝗年穀不登民有散亡家空杼軸朕每旦恭
已夕惕兢懷自今正調以外無妄有發庶時殷俗阜
稱朕意焉

隋文帝開皇元年九月詔戰亡之家遣使賑給仍令
使者就家勞問

六年八月詔大象已來死事之家咸令賑恤

煬帝大業四年九月詔免長城役者一年租賦

八年二月詔曰朕觀風燕裔問罪遼兵文武叶力爪
牙思奮莫不執銳勤王捨家從役罕蓄倉廩之資兼
損播殖之務朕所以夕惕愀然慮其匱乏雖復素飽
之衆情在亡私悅使之人宜從其厚諸行從一品以
下飲飛募人以上家口郡縣宜數存問若有糧食乏
少皆宜賑給或有田疇貧弱不能自耕種可於多丁
富室勸課相助使之居者有歛積之豐行役無顧後
之慮

十年二月詔曰竭力王役致身戎事成繇狗義莫匪

勤誠委命草澤棄骸原野與言念之每懷愍惻往年
出軍問罪將畱遼濱廟筭勝畧具有進止而楊諒愾
凶罔識成敗高穎傲狠本無智謀臨三軍猶兒戲視
人命如草芥不遵成規坐貽撓退遂令死亡者衆不
及埋藏今宜遣使人分道收葬設祭於遼西郡立道
塲一所恩加泉壤庶弭窮魂之寃澤及枯骨用弘仁
者之惠

唐高祖武德三年六月以沁州被圍一載忠勤可嘉
乃以絹三千疋頒賜將士

八年八月令民部尚書皇甫無逸於并州設祭戰亡

將士

太宗貞觀十年十月征遼迴次營州詔遼東道戰亡
人骸骨竝集柳城東南有司設太牢以祭之太宗臨
哭盡哀從臣無不流淚御製祭文曰夫忠烈盡世往
賢明執忘身殉國先哲良規惟爾等心苞鐵石志烈
風霜勇氣雄圖衝冠裂背懷忠立節重義輕生奮劍
提戈摧城陷陣冒鋒刃而不顧赴湯火而如歸殞命
戰場殘形寇壘膏潤原鉞身喪名存擗落寒關遂非
生入蒼茫雷野無復餘蹤涉出塞之前途掩靈櫬而
反骨歌陽春之往路黯長夜之歸魂山川宛其不殊

存亡颯焉昔非然則身者今之所重名者後之所貴
身乃嘗有而愚夫怯焉功則難立惟烈士成焉若以
一生之短期收千載之令譽此聖賢之操也豈直忠
勇者乎所以按轡停輿撫膺一慟嘉乃誠節痛爾遺
靈酒俎旣陳魂其斯享

十五年十一月贈戰亡將士官三轉聽授一子遮其
尸櫃還鄉棺斂而葬焉

十九年三月征遼輿駕在定州將士每到者遣於定
州北門過太宗御城樓撫慰之明告賞罰優勞甚至
悉踊躍歌呼足蹈手舞有從卒一人病不能進太宗

召至御牀親加撫慰付州縣廩療之是以將士莫不
欣然願從其役有不預征名而請以私裝從軍者勅
以千計皆云不願受國家官賞乞於高麗城下効一
旦之命詔皆不許其人心齊一自古出師命將未之
有也七月詔以征遼從行及遼東平壤二道軍人戰
死者各加四級聽一子承襲分遣使人就家弔祭又
詔從軍死亡之徒恐致湮沒埋人之處宜立標榜軍
迴之日各令將還并給棺以葬焉

二十二年二月制渡遼有功之徒未授勳班而犯罪
者與成官同優之也六月令陝州刺史孫伏伽與河

南太子詹事張行成於河北渭州親見父老存撫百姓從軍之家州縣爲之營農

高宗龍朔中左武衛大將軍鄭仁泰等討鐵勒無功遣右驍衛大將軍契苾何力爲鐵勒道安撫使左衛將軍姜恪爲副以輯其餘衆其兵士道死者令所在差軍收瘞之仍蠲免其家

睿宗唐隆元年六月卽位詔諸道征鎮人家令州縣簡較

玄宗開元二年六月詔曰吐蕃小寇僻處大荒先朝外撫許其內屬結以和戎之好優以外臣之禮野心易動朝獎遄忘不度德以量力敢窺邊而犯塞薛訥等擁旌爲將按節持兵驅之逐之指期殄滅使苞桑莫繫破竹無遺實賴宗廟之靈兼資將士之力比來酬叙多歷歲年命賞踰時有乖勸善已令紫微舍人倪若水就軍叙錄卽有處分

五年五月詔曰王者制五服綏四方申畫郊畿慎固封守是乃選徒興役禦寇備邊欽若前載率繇茲道朕以薄德紹膺丕運奉天明命爲人父母永隔綏養監寐以之每念征戍良可矜者其有涉河渡碛冒險乘危多歷年所遠辭親愛壯齡應募華首未歸眷此

勞止期於折衷但積西諸鎮道阻且長數有替易難於煩擾其鎮兵宜以四年爲限散之州縣務限一戶丁多差遣後量免戶納雜科稅其諸軍鎮兵近日遞加年限者各依舊以三年二年爲限仍竝不得延留其情願留鎮者卽稍加賜物得代願往聽令復行爲貴勞逸且均公私咸適宣布遐邇識朕意焉

九年二月詔諸府衛士役重人微旣每征行又嘗番上言念艱辛更無是過不稍優矜何以存濟自今已後征行及當番處衛士除公乘配手方廳事及復身以外官人輒私抽役使宜令御史金吾按察使嚴加採察

十二年九月詔曰爲國之道莫不欲家給人足今行禁止而族談者苦邊疆之戎役偶語者傷戶口之凋殘且夫懷土重遷人之嘗性離邦去里孰無其備或委非其材或政非其要致令父不保子兄不寧弟井邑有流離之怨道路有吁嗟之聲靜言思之良可歎息是以晝分不食夜不安寢庶息彼弊政就此涼風故發使車以巡郡縣其承前處置不便不利於人卽宜當處商量隨事釐革其緣邊兵士等或遠辭鄉壤久事戎旃饑寒而衣食不充疾病而醫藥不極邊烽

忽警將何以堪宜令使人各親勞苦其有年齒衰暮或抱癘羸弱卽與軍司選擇給糧放還行人之家委州縣優卹所到宣撫稱朕意焉

十三年正月詔曰陽和布氣是物萌芽仁者用心無遺枯朽自開元元年已來諸軍兵士殞歿骸骨不歸墳壠者宜令軍使爲造棺迺送本貫委州縣府助其埋殯河曲隴外往歲戰場殂歿無歸陰雨猶哭言念於此良用惻然亦委朔方隴右河西節度使聚斂骸骨就高燥處同葵祭以酒脯高大築墳使久遠標識又詔曰乘塞守邊義不可輟遠征久戍人亦告勞朕

身處九重心在四遠因時遇物無日不思停障有行役之勤室家無杼軸之用不少優惜何以爲安方春發生須急農事其諸軍長征人家單貧乏無力者宜令本管州縣勸率其家助其營種使有秋望

十四年六月詔曰朕爲人父母撫有海內以百姓爲心恐一夫失所至於兵募尤令存卹去給行賜還給程糧以此優矜不合辛苦如聞比來兵募年滿者皆食不充腹衣不蔽形馱募什物散落畧盡旣不能致便流浪不歸丁壯減耗實繇於此自今已後諸鎮兵募每准額至交替時所司預簡勘兩月前奏聞當差

御史分道簡察若涉欺隱委御史彈奏其有衣資盡者量以逃死兵衣給三兩軍使得支濟如病患者遞給驢乘令及伴侶

十五年二月命中官李善才宣慰于河南河北州縣制曰北河遭水處城旁及諸蕃投降人先令安置及州縣被差征行人家口等去年水澇漂損田苗頓遣使人所在巡撫兼令州縣倍加矜恤不知並得安存以否今舊穀既沒新麥未登丁壯既差遠行老少慮不支濟朕身居黃屋念在蒼生每思優養無忘鑒寐今故遣中使左監門衛將軍李善才重此宣慰宜公

州縣簡責有乏絕者准例給糧俾令安堵以副朕意十六年三月詔曰諸軍鎮行人家緣其身任征戍事須優矜比來頻有處分令州縣長官存問簡較如聞每事牽挽不異居人竟不存恤是何道理宜令所司申明前後勅嚴加處分如是侵擾委御史臺採訪奏聞

十二月詔曰邊鄙未清尚須式遏既加鎮守遂勞力役朕宵衣旰食務在安人求瘼恤隱宜從簡要如聞諸軍兵募處置多乖年滿之日逃亡甚衆自今已後各委本道節度使及兵部侍郎裴光庭同簡較年終

類會文奏使健兒長鎮何以克堪可分爲五番每一
年放一番洗沐遠取先年人爲第一番周而復始每
五年共酬勲五轉

二年四月詔曰王者經畧以正區夏武夫干城式固
封域將以戢兵禁暴安國庇人朕所以選擇忠良鎮
守疆場念踐更之役有徭戍之勤備以武守示之威
惠故得夷狄款附靡然順風九有晏如四方無事雖
備豫之誠不可暫闕而黽矻之徒思有矜憫其天下
諸州鎮兵募及健兒等或年月已久頗亦辛勤或老
疾疴羸或單弱貧窶或親老孤獨致闕晨昏言念於

斯深用矜嘆宜委節度使及軍州簡擇有如此色一
切放還咸宜精審以稱朕意

二十六年春正月親迎氣於東郊畢制曰朕每念黎
旰饑於征戍親戚多別離之怨閔山有往復之勤何
嘗不惻隱於懷寤寐增嘆所以別遣召募以實邊軍
賜其厚賞便令長往今諸軍所召人數向足在於中
夏自可罷兵旣無金革之事足保農桑之業自今已
後諸軍兵健並宜停遣其見鎮兵並一切放還京畿
之內雜役殷繁言念劬勞豈忘優恤

二十九年詔曰諸軍行人皆遠離鄉貫扞彼疆場動

卽逾年言念艱勞豈忘優恤有疾病老弱不堪鬪戰者委節度揀釋放還

天寶三載正月詔曰凡在黎獻實資存恤一失生業則流痛不歸每軫于懷深可矜愍諸色當番人應送資課者宜當郡具申尚書省勾覆如身至上處勿更抑令納資致使往來辛苦從閏二月至六月已來其當上人中有單貧老弱者委郡縣長官與所繇計會便放營農

十二月制田諸軍行人遠爲邊并修短之入雖有定期從役而終良深軫念其有陣亡及在軍亡歿骸骨尚未還本貫者宜令節度使給其棺槨迺歸本鄉若家內無人付近親收葬仍令所繇郡縣量事優恤使得濟辦

八載閏六月上尊號大赦詔曰征鎮之役其來自久雖存素備諒在變通頃者用兵蓋非獲已今西戎推殄北虜歸降南蠻東夷咸來稽顙亦可謂四海無事萬里廓清戢戍息人思弘善貸其軍鎮兵非切要可均減者宜令本道節度使與所司商量處置聞奏其百姓有頻經鎮戍者已後差點之次不在取限十載正月南郊詔曰京兆府及三輔三郡百役殷繁

自今已後應差防丁屯丁宜令所繇支出別郡
肅宗至德二年詔陣亡將士郡縣具棺槨瘞埋之遇
傷者特加恤養

十二月詔曰陣亡人令所在郡收骸骨瘞埋具酒食
致祭各與追贈其家給復一載

乾元元年四月甲寅詔曰陣亡人家並蠲免戶州縣
隨事優恤賑給

上元二年五月詔曰百司及州縣興功勞役不急之
務一切並停諸軍兵健應在行營有羸老病疾不任
戰陣者各委節度使速揀擇放還路次州縣量加

卹諸色番役各令所司減省放其營農

代宗廣德二年二月南郊祀昊天上帝禮畢制曰自
凶孽亂嘗王室多故干戈不息今已十年軍國務繁
閑輔尤劇念茲疲耗久困徵科其京城諸司諸使應
配曠騎官散官諸色丁匠募士供膳音聲人執祭齋
郎問事掌閑魚師并諸司門僕京兆府驛丁屯丁及
諸色納資人每月摠八萬四千五十八人數內宜每
月共支二千九百四十四人仍令河東閩內諸州府
配不得偏出京兆府餘八萬一千一百一十四人並
停所須諸衛役使宜樽節定數官給資錢不得干擾

百姓又曰征人不息勤戍斯久丁壯疲弊老弱困窮
光武有言頭爲之白戢藏鋒刃牧養元元方面重臣
宜悉朕意

大曆七年十一月詔以淮南數州秋夏無雨楊洪宣
等三州作坊往以軍興是資戎器旣屬時歲大歉慮
乎人不寧居徵夫役工損費尤甚務從省約以息疲
人亦宜並停

九年四月制曰在軍將士有刀箭所傷久嬰沉疾者
戮力疆場致身鋒刃各委所繇量給藥物厚加優賞
其陣亡將士亦仰本使隨事優卹妻子各申錫賚

十二年十一月日長至帝不受朝賀以防秋將士曝
在野故也

德宗建中元年六月命給事中蔣鎮弔祠涇州將士
之戰亡者

三年二月旣誅李惟岳下詔易定深趙嘗與節觀察
管内自官軍出征所有誅戮並令州縣瘞埋勿令暴
露有家屬者並許收葬

興元元年四月帝在梁州山南地偏及夏尤熱將士
未給春服帝亦御袂服以視朝左右請御衫帝曰將
士從我者冬服未易我豈可獨衣衫乎將士聞之無

不感涕至五月諸道財賦稍至先令給將士衣服而後御衫

六月帝發興元邸七月至京師帝自發興元即路踰月時當盛暑赫日未嘗張蓋加幅左右數以為請帝曰從官將士皆以朕之故尚露首於赫曦之中朕寧以已之適而不同其寒暑也竟不從

貞元二年四月李希烈平詔曰淮西百姓等久經淪陷兼被傷痍想茲彫殘實足哀愍除供當道軍用之外宜給復二年將士之中不樂在軍願歸農業者委節度使刺史量給逃戶田宅并錢借貸種糧優復終身使之存濟

二年閏五月崔漢衡副渾瑊會盟吐蕃漢衡及判官鄭叔矩皆為吐蕃所執六月辛亥詔賜崔漢衡鄭叔矩家粟布

四年正月赦書涇隴邠寧振武靈鹽銀夏官健嘗例之外每年加賜兩段

三月涇原節度劉昌以平涼盟會所亡歿將士骸骨在焉乃令聚而瘞之因感夢於昌有媿謝之意遂以上聞帝乃下詔深自剋責仍遣秘書少監孔述睿及中官以御厨饌物及內造衣服數百襲令劉昌收其

骸骨以歸分爲大將三十人將士一百人皆棺槨斂以衣服葬於淺水原置二塚其大將曰旌義塚將士曰懷忠塚詔翰林學士撰二塚誌文及祭文其日劉昌陳兵於葬所先設幕次具牢饌祖祭之禮昌及大將皆素服臨之焚其衣及紙錢千幅又立二塚題以塚名監於道傍師人觀之莫不感泣

十五年四月詔應在城諸州軍及畿內諸縣鎮兼京西步鐸并奉天行營雜職掌所繇兼長行官健共五萬八千二百七十二人宜令所司每人賜粟一石

憲宗永貞元年八月詔曰諸道節度使團練經畧防禦等將士久執干戈式遇封畧勤勞王室深用嘉之擬其優勞竝與甄錄各委本軍本使卽具名銜奏聞
元和元年春正月南郊大赦天下京兆府諸司色役人各令條流簡省

十一年春正月朔不受朝賀以師在原野故也

十二年十月淮西平詔其官軍陣亡將士等審勘各銜卽與褒贈其家口委本軍優賞仍五年不停衣食其將士因戰陣傷損尤宜優異至殘廢者各委本軍厚加優恤仍勿停衣糧其陷在賊中官吏將士百姓等應節義著明無辜受戮者宜令長吏致祭收葬竝

委節度具名跡聞奏當有褒贈仍優賞其家

穆宗長慶元年七月十八日詔應經戰陣之處所在州縣收瘞遺骸仍量事與權檟兼以禮致祭
敬宗以長慶四年正月卽位十月賜山陵持路夫絹各二疋時蜀連雨役人饑凍頗甚至有持鋪抱篲而死者帝聞而惻然故有賜

文宗太和二年七月賜魏博行營將士裹瘡帛一千疋金瘡散一千貼便令奏事官押送本道

四年七月內庫出綾三千疋赴宥州賜修城將較

七年正月詔諸色工役非灼然交切者勒停

開成元年十月京兆尹薛元賞奏昆明池條造功是欲大爲其防上曰時方凝沍築堤可否元賞曰正當人閑上曰王者動作必法時令不計人閑遂罷之
二年五月帝御紫宸殿宰相鄭覃李石奏襄陽殷侑論當道防秋兵請就邊上招召徐泗薛元賞請留舊防秋兵二年帝曰殷侑所請邊上募兵恐不得其實又遷動農者防秋既有年限元賞豈得苟留念其邊戍鄉情不可爽及瓜之信

懿宗咸通五年五月丁酉詔邕州巴西黎雋界內昨因蠻叛互有殺傷宜令本道收拾埋瘞量設祭酬

後唐莊宗初嗣晉王位栢鄉之役日晚戰酣突陣鄆將遼州刺史安元信傷重帝自臨傳藥撫諭

同光元年十二月勅自十數年來累經戰陣殺傷暴露有足憫嗟其德勝寨莘縣楊劉鎮通津鎮胡柳波戰陣之所宜令逐處差人簡收骸骨埋瘞取係省錢備酒紙招祭以慰亡魂

明宗天成元年五月丙寅差供奉官張殷祚押夏衣一萬副賜湖南行營將士

十月詔曰嫌疑之釁多起於蒼黃似是之名卒難於明辨應去年四月一日諸州府軍變內有誑誤身歿

者竝許子孫禮葬頃以兩軍對壘仍歲交鋒亡歿甚多暴露不少宜令滑濮鄆澶衛等州各據地界內應有暴露骸骨竝與埋瘞

長興三年三月帝謂六軍副使石敬瑭曰神武馬軍就糧鞏縣昨日雨甚何不賜油衣敬瑭封曰去京師近不敢奏請帝曰百寮入朝至近尚須油衣縱與未必禦濕然表朕意耳十二月賜修雒水堤岸工徒每夫酒一升十夫共一羊癸丑帝幸龍門觀工徒修伊河石堰以羊酒賜役夫如雒堰例伊水中流榜夫隨水遣人拯之以錦袍賜之

四年二月乙丑勅倉門開河役夫數日春寒稍甚宜俟晴暖作役

十一月樞密使安重誨奏欲近南別開一河以導水計功六十萬權倩京師戶人帝曰勞役百姓不宜有此商量遂止

末帝清泰元年七月甲子詔鳳翔西面來往兵士或疾病傷損者留醫養候住行李則人給千錢勒歸本處

晉高祖天福二年十二月宣遣承旨劉貞義押風藥往軍前賜中傷將較

少帝開運二年二月乙酉勅曰契丹違天背惠猾夏淪盟無名侵犯於封疆縱暴殺傷於生聚毒流數郡怒積羣情果敗衄於漳州乃退歸於燕塞今則長驅虎旅誓滅胡塵雪萬姓之沉寃期四方之昭泰每念蕃寇經過之處邊隅陷沒之人未掩殮尸何安恨魄軫傷旣切惠澤宜加其嘗定邢洛管界蕃寇經過之處枉遭殺害無主收葬者宜令本州差大將一人所在收瘞量事祭奠訖具事以聞

漢隱帝乾祐元年四月庚辰勅青州收瘞用兵討楊光遠時骸骨癸卯勅三京鄴都諸道州府自北虜入

寇羣盜劫傷所有被殺暴露骸骨及墳墓被發掘者
並令逐處長吏據地分收拾埋瘞初契丹犯闕四郊
墳墓無不發掘故有是詔

三年正月丙寅詔遣供奉官梁再筠使河中侯樞使
鳳翔並爲收拾用兵時城內外殺傷餓殍遺骸令瘞
而祭之時已有僧收拾尸首至二十萬

周太祖廣順二年五月平慕容彥超於交州詔諸軍
將士等有歿於王事者各等第給孝緡仍以本人半
分衣糧給與本家一年有親子者官中並與收錄安
排自軍使都頭已上皆與贈官九月勅交州自逆臣

盜據多有殺傷永爲葬朽之仁式示掩骸之義宜令
樂院使黃知筠往交州收拾暴露骸骨於高地爲壙埋
瘞祭奠以聞

世宗顯德元年正月赦文諸軍將士年老病患不任
征行情願歸農者本軍具以名聞給憑繇放免

四月討太原迴詔昨殺戮賊軍處四面山谷間屍首
絕多宜令逐處官吏差人收拾埋瘞勿令暴露

二年十一月以秦鳳平詔城下功役百姓爲矢石所
害致死者本戶除二稅外放免三年差徭仍賜本家
孝服絹三疋其部署人夫州縣官並與加階減選

四年二月壬戌詔諭淮南招討使李重進都監向訓
廬州行府劉重進等令於淮南管內戰陣之處收其
骸骨悉埋瘞之

三月詔曰自攻討壽州已來應有將士歿於王事者
宜差殿直劉漢卿於壽州四面收斂其屍以官物祭
奠本家仍以優給有男者量與叙用

五年五月帝以征淮南迴降德音云疾風勁草旣驗
忠誠臨難捐軀所宜旌異應淮南行營將士歿於王
事者各與贈官逐人若有親的子孫並與叙錄內有
中傷殘廢不任征行者等第給救接錢帛排難疆場

馬革無慙於壯志遺骸暴露牛馬有軫於深仁載循
掩骼之文俾釋窮泉之恨凡經戰陣處應有暴露骸
骨仰逐處州縣收拾埋瘞淮南界內逐處墳墓有曾
遭發掘處委逐州縣差人掩閉

好邊功

聖人制兵以威天下五材並用弗可闕也然而有道
之守實在於外夷好戰之危蓋存於深戒其或中區
大定海內同軌乃復恃其富疆肆其材力采疆吏之
甘言信行人之說計貪其土地利其俘獲出師命將
窮兵黷武靡思餽運之苦罔念征戍之役以致百姓

騷動中國罷弊損多益寡得虛喪實久而迷復何救於治哉

周穆王將征犬戎

犬一作犬

祭公謀父諫

祭畿內之國周公之後為王卿

士謀父字也

曰不可犬戎氏以其職來王天子曰予必以

不享征之且觀之兵無乃廢先王之訓而王幾頓乎

吾聞犬戎樹敦

樹一作樹一立也言犬戎立惟敦篤也

率舊德而守終

純固其有以禦我矣王遂征之得四白狼四白鹿以

歸自是荒服者不至

漢武帝建元六年八月閩越王郢攻南越遣大行王

恢將兵出豫章大司農韓安國出會稽擊之未至而

越人殺郢以報恢因兵威使番陽令唐蒙風曉南粵

番音譜風讀日諷

蒙歸至長安上書曰南粵王黃屋左纛

天子之車服

地東西萬餘里名為外臣實一州王今以長

沙豫章往水道多絕難行竊聞夜郎所有精兵可得

十萬浮船牂柯出不意此制粵一奇也誠以漢之疆

巴蜀之饒通夜郎道為置吏甚易帝許之乃拜蒙以

郎中將將千人食重萬餘人

食糧度衣重也重音直用也

從巴苻

關入遂見夜郎侯多同

多同其侯名也

厚賜論以威德約為

置吏使其子為令

比之于漢縣也

夜郎旁小邑皆貪漢繒帛

以為漢道險終不能有也迺且聽蒙約還報迺以為

捷為郡發巴蜀卒治道自樊道指牂柯江蜀人司馬

相如亦言西夷邛苻可置郡使相如以郎中將往諭

皆如南夷為置一都尉十餘縣屬蜀元光四年夏發

巴蜀治南夷道作者數萬人千里負擔餽餼餽亦饋字饋古

餉字也率十餘鍾致一石言其勞費再功重散幣於邛樊以輯

之邛今邛州也樊今樊道縣也輯與集同謂安定也數歲而道不通蠻夷因

以數攻吏發兵誅之悉巴蜀租賦不足以更之悉盡也更

償也雖盡租稅不足償其功費也更音庚廼募豪民田南夷入粟縣官而

內受錢於都內都內京師王歲者也大司農屬官有師內令坐也西南夷又

數發兵興擊耗費亡功帝患之使公孫弘往視問焉

還報言其不便及弘為御史大夫時築朔方據河逐

胡弘等因言西南夷為害言通西南夷大為損害可且罷專力

事匈奴帝許之罷西夷獨置南夷兩縣一都尉稍令

犍為自保就今自保守且修成其業犍為今嘉州縣

元朔二年春收河南地置朔方五原郡興十餘萬人

築衛朔方既築其城又守衛之轉漕甚遠自山東咸被其勞費

數十百鉅萬數十百萬乃至百萬府庫竝虛廼募民能入奴婢

得以終身復為郎增秩庶人入奴婢則復終身而為郎者就增其秩也一日入奴

婢少者復終身多者得為郎舊為郎更增秩也及入羊為郎是時主父偃盛

言朔方地肥饒外阻河蒙恬城以逐匈奴內省轉輸

成漕廣中國滅胡之本也上覽其說下公卿議皆言不便公孫弘曰秦時嘗發三十萬衆築此河終不可就就城也已而棄之朱買臣難誦弘遂置朔方本偃計也

元狩元年博望侯張騫言使大夏時見邛竹杖蜀布

問安得此大夏國人曰吾賈人往而之身毒國毒音篤一

名天篤則浮屠胡是也身毒國大夏東南可數千里其俗土著土著有謂城郭常居不隨畜牧移徙也著音宜畧切其下亦同與大夏同而卑溼暑熱其民乘象以戰其國臨大水焉以騫度之度許大也

夏去漢萬二千里居西南今身毒又居大夏東南數千里有蜀物此其去蜀不遠矣今使大夏從遠中論

羗人惡之少北則為匈奴所得從蜀宜徑又無羗也宜猶當也從屬天子既聞大寃及大夏安息之屬面大夏其道當旨

皆大國多奇物所著頗與中國同俗而兵弱貴漢財物其北則大月氏康居之屬兵疆可以賂遺設利朝也設使也施者以利誘令入朝誠得而以義屬之謂不以兵革則廣地

萬里重九譯致殊俗威德徧於四方天子欣欣以騫言為然迺令因蜀為發問使四道並出問使者求間隙而行出

驍出柝出徙邛出僂皆夷名驍音龍柝音北切皆各一

二千里其北方閉氏柝漢使見閉于夷也南方閉雋

丹川... 好邊功

昆明 嵩昆明亦皆夷種 昆明之屬無君長善寇盜輒

殺畧漢使終莫得通然聞其西可千餘里有乘象國

名滇越 滇音顛滇 而蜀賈問出物者或至焉 謂私往

市於是漢以求大夏道始通滇國時吏士爭上書言

外國奇怪利害求使天子為其絕遠非人所樂聽其

言 人皆不樂去故有自謂 予節募吏民無所從來 不

限禁遠近雖家人 為其備人眾遣之以廣其道來還

不能無侵盜弊物及使失指 乘天子 天子為其習之

輒覆按致重罪 言其申習不以為難 以激怒令贖 令

功以 贖罪 復求使使端窮而輕犯法其吏卒亦輒盛推國

所有言大者予節言小者為副故妄言無行之徒皆

爭相劾其使皆私縣官齎物 言所齎官物籍自 欲賤

市以私其利 所市之物得利多 外國亦厭漢使人人

有言輕重 漢使言于外國 度漢兵遠不能至而禁其

食物以苦漢使 令其困 漢使乏絕置怨至相攻擊樓

蘭姑師小國嘗空道 空即 攻劫漢使王恢等尤甚而

匈奴奇兵又時時遮擊之使者爭言外國利害 言服

利不計 皆有城邑兵弱易擊於是天子遣從票侯趙

破奴將屬國騎 謂外國 及郡兵數萬擊姑師王恢數

為樓蘭所苦帝令恢佐破奴將兵破奴與輕騎七百

帝王部 二十九

人先至虜樓蘭王遂破姑師因暴兵威以動烏孫大

宛之屬暴謂顯揚也還封破奴為浞野侯恢為浩侯於是

漢列亭障至玉門關矣玉門關龍勒界而大宛諸國發使隨

漢使來觀漢光大以犬鳥卵及黎軒眩人獻於漢鳥卵

大如汲水之甕眩讀與紅同卽令吞刀吐火植瓜種樹屠人截馬之術皆是也天子大悅

太初元年八月遣貳師將軍李廣利發屬國六千騎

及郡國惡少年數萬人伐宛期至貳師城取善馬故

浩侯王恢使道軍既西過監水當道小國各堅城守

不肯給食攻之不能下下者得食不下者數日則去

北至郁成土財有數千北音必寐切財與才同皆饑罷罷讀攻

郁成城郁成距之所殺傷甚衆貳師將軍與左右計

至郁成尚不能舉况至其三都乎失利而還往來二

歲至敦煌士不過什一二十人之中一人得還使使上書言

道遠多乏食且士卒不患戰而患饑人少不足以援

宛願且罷兵益發而復往益多也天子聞之大怒使使

遮玉門關曰軍有敢入斬之貳師恐因留屯敦煌其

夏漢亡浞野之兵二萬餘於匈奴趙破奴後封浞野侯浞音士角切

公卿議者皆願罷宛軍專力攻胡天子業出兵誅宛

小國而不能下則大夏之屬漸輕漢而善馬絕不來

烏孫輪臺易苦漢使易輕也輪臺亦國名為外國笑迺案言伐

宛尤不便者鄧光等案其罪而行罰赦囚徒扞寇盜使從軍為斤

發惡少年及邊騎歲餘而出敦煌六萬人與發部署歲餘乃行

負私從者不與負私糧食及私從者不在六萬人數中也與讀曰豫牛十萬馬

三萬匹驢橐駝以萬數齎糧兵弩甚設設張甚具也天下

騷動轉相奉伐宛五十餘較尉宛城中無井汲城外

流水於是遣水工徙其城下水空以完其城空孔也從其城

下水者令從也道流不道其城也空以完其城者圍而攻之令作孔使穿完也下云决其水原移之又大

開其城攻之皆再叙其事也曰既徙其水不令十城下流而因其舊引水入城之孔攻而完之益發

甲卒十八萬酒泉張掖北置居延休屠以衛酒泉立

縣以衛邊也或曰置二部都尉而發天下七科適適讀及載糒給貳

師音備轉車人徒相連屬至敦煌而拜習馬者二

人為執驅馬較尉習便也一人為執馬校尉一人為驅馬校尉備破宛擇

取其善馬云於是貳師後復行兵多所至小國莫不

迎出食給軍至輪臺不下數日屠之自此而西平行

至宛城平行言無宛難兵到者三萬宛兵迎擊漢兵漢兵射

敗之宛兵走入保其城貳師欲攻郁成城恐留行而

令宛益生詐留行謂留上軍廢其行迺先至宛决其水源移之

則宛固已憂困圍其城攻之四十余日宛貴人謀曰

王毋寡匿善馬殺漢使毋寡宛王名今殺王而出善馬漢

兵安解即去迺力戰而死未晚也宛貴人皆以為然

共殺王其外城壞虜宛貴人勇將煎靡宛之貴人為將而勇者名

也煎靡宛大恐走入中城相與謀曰漢所為攻宛以王

毋寡持其頭遣人使貳師約曰漢無攻我我盡出善

馬恣所取而給漢軍食即不聽我我盡殺善馬康居

之救又且至我居內康居居外與漢軍戰孰計之何

從今二師熟計之而欲攻戰乎欲不攻而取馬乎是時康居候視漢兵尚盛

不敢進貳師聞宛城中新得漢人知穿井而其內食

尚多計以為來誅首惡者毋寡頭已至於此不許則

堅守而康居候漢兵罷來救宛破漢軍必矣罷讀日疲軍

吏皆以為然許宛之約宛廼出其馬令漢自擇之而

多出食食漢軍下食讀日飲漢軍取其善馬數十匹中馬

以牝牡三千餘匹而立宛貴人之故時遇漢善者名

昧蔡為宛王昧音本末之未祭音千骨切與盟而罷兵終不得入

城中罷而引歸賈捐之曰武帝元符中太倉之粟紅

腐而不可食粟久腐壞則色紅赤也都內之錢貫朽而不可較

也計也廼探平城之事追計其事故言探錄冒頓以來數為邊害

厲兵馬因服民以攘服之攘却也西連諸國至于安息

東過碣石以玄菟樂浪為郡樂音落浪音郡北卻匈奴萬里

更起營塞制南海以為八郡則天下斷獄萬數民賦

數百造鹽鐵酒榷之利以佐用度猶不能足當此之

時寇賊竝起軍旅數發父戰死於前子鬪傷於後女

子乘亭鄣孤兒號於道老母寡婦飲泣巷哭淚流被

秦大征伐不休之故也

後魏太武神麴二年練兵于南郊將襲蠕蠕公卿皆

不願行保太后固止帝皆不聽唯太嘗卿崔浩贊成

帝從浩計而行帝緣粟水西行過漠將竇憲故壘平

城三千七百餘里分軍搜討東至瀚海西接張掖水

北渡燕然山東西五千餘里南北四千里

隋煬帝大業三年令羽騎尉朱寬入海求訪異俗

師何蠻言每春秋二時天清風靜東望依稀似有煙

霧之氣亦不知幾千里遂與蠻俱往因到流求國言

不相通掠一人而返明年帝復令寬慰撫之流求不

從取其布甲而還時倭國使來朝見之曰此夷邪乃

國人所由也帝遣武賁郎將陳稜朝請大夫張鎮州

率兵自義安浮海擊之至高華嶼又東行二日至寵

覽嶼又一日便至流求初稜將南方諸國人從軍有

崑崙人頗解其語遣人慰諭之流求不從拒逆官軍

稜擊走之進至其都頻戰皆敗焚其宮室虜其男女

數千人載軍實而還自爾遂絕

五年五月吐谷渾王率眾保覆袁州帝分命將擊之

六月癸卯大升拔谷山路隘險魚貫而出風霰晦暝

與後宮相失士卒凍死者大半

八年正月親征高麗大軍集于涿郡總管一百一十

萬三千八百號二百萬其饋運者倍之三月帝御師

于遼水四月進遼東時諸將各奉旨不敢赴機既而

高麗各城守攻之不下六月己未幸遼東責怒諸將

止城西數里御六合城七月壬寅宇文述等敗績于

薛水右屯衛將軍辛世雄死之九軍竝陷一日一夜

還至鴨渌水行四百五十里初度遼九軍三十萬五

千人及還至遼東城唯二千七百旣班師敗將宇文

述于仲文等除名為民斬尚書右丞劉士就以謝天

下

九年正月徵天下兵募民為驍果集于涿郡復宇文

述等官爵又徵兵討高麗四月庚午車駕度遼壬申

遣宇文述楊義以趣平壤六月禮部尚書楊玄感反

於黎陽遂逼東都兵部侍郎斛斯政奔于高麗帝乃

班師

十年二月詔百寮議伐高麗數日無敢言者遂下詔

親征三月壬子行幸涿郡四月甲午次北平七月甲子高麗遣使降囚送斛斯政帝大悅遂班師初帝以天下承平日久召募行人分使絕域諸番至者厚加禮賜有不恭命以兵擊之盛興屯田於玉門柳城之外課天下富實益市武馬正直十餘萬坐而凍餒者十家而九

唐太宗貞觀十八年二月謂侍臣曰莫離之賊弑其王盡殺大臣用刑有同坑穽百姓轉死怨痛在心道路以目夫出師弔伐須有其名因其絀君虐下取之甚易也十九年命刑部尚書張亮爲平壤道行軍大

總管領將嘗何等率江淮嶺峽勁卒四方戰船五百艘自萊州汎海趨平壤又以特進英國公李勣爲遼東道行軍大總管禮部尚書江夏王道宗爲副領將軍張仕貴等率步騎六萬趨遼東兩軍合勢太宗親御六軍以會之後張亮與高麗再戰於建安城下皆破之及道宗遣果毅都尉傅伏愛領隊兵於山頂以防敵土山自高而陟排其城城隙會伏愛私離所部高麗百人自頽城而戰遂據有土山而塹斷之積火縈排以自守固太宗大怒斬伏愛以徇命諸將擊之三日不能克太宗以遼東倉儲無幾士卒寒凍乃詔

班師

二十二年又遣右武衛大將軍薛萬徹等往青丘道伐之萬徹渡海入鴨淶水進破其泊灼俘獲甚衆太宗命江南造大船遣陝州刺史孫伏伽召募勇敢之士萊州刺史李道裕運糧及器械貯於烏湖島將欲大舉以伐高麗不果行初太宗征高麗雖有功所損亦甚謂左右曰使復有魏徵在必無此行

高宗嗣位又命兵部尚書任雅相左武衛大將軍蘇定方左驍衛大將軍契苾何力等前後討之皆無大功而還

乾封元年十一月命英國公李勣為遼東行軍大總管率裨將郭待封等以征高麗總章元年十一月授平壤

